






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5560/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5560/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5560/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5560/A

5560


F. XIV S

16



1903

HERBERT MACNAIR WYDEL



HIP
LIEN
ST

AB

DE MAGNIS
HIPPOCRATIS
LIENIBVS, PLINII'QVE
STOMACACE, AC SCE=
letyrbe, seu vulgò dicto
Scorbuto, Libellus.

Auctore Balduino Ronsséo Gandensi,
Medico Reipublic. Goudanæ.

Citò, tutò, & iocundè.



*ex libris
Rug*

ANTVERPIAE,
Apud Viduam Martini Nutij.
AN. M. D. LXIIII.

Cum Gratia & Privilegio;

71611

Sententia Privilegij.

I Nuiſſimi Regis noſtri Philippi privilegio cau-
tum eſt, ne quis alius præter Viduam Martini Nu-
tij, intra triennium imprimat, De magnis Hippocra-
tis Liemibus, Plinijq; ſtomacace, &c. auctore Balduino Ronſ-
ſeo. Secus qui faxit, multa in ſanctione æſtimata pœ-
nas pendito. Datum Bruxellæ 12. Martij. 1563. Stilo
Brabantia. Subſignat.

De Perre.

2
PRAECLARISS.

ORNATISS. VIRIS D. IOAN-
NI ET THEODORO HONII

à Soupyrgo. Balduinus Ronseus

S. P. D.



NNVS iam agitur octauus, vi-
ri ornatissimi, quod epistolam
de magnis Lienibus in publicum
emisi, quæ ut nonnullis arrisit,
et ad pleniorẽ morbi cogni-
tionem fenestram, quod aiunt,
aperuit, ita alijs calumniandi ansam præbuit, ob-
treçantibus passim me laureolam ex mustaceo
querere, atq; alijs meliora scribendi occasione
nostris nugis præripere. Esto: fateor ingenioli
nostri tenuitatem, atq; dolco quàm maximè ab
alijs et meliora sentientibus seuißimam hanc
luem hætenus intactam esse, neq; suis descriptã
coloribus: gaudeo interim censuram nostram à
nonnullis (qui meliora et si possint, nolunt ta-
men) si non explodi, saltem cauillari. Iam pri-
mum etenim cum Ippalo illo Pythagorico phi-
losopho agnosco me aliquid facere, qui inter-
rogatus ecquid ageret, respondisse fertur, ad-
huc dum nihil, nondum quidem mihi inuidetur:
ac si proficientium in melius testis ac comes es-
set inuidia. Rumpatur igitur, ut ait ille, inuidia,
qui cum ipsi nihil scribant, veritatis inquisitio-

A 2 ni

EPISTOLA

ni intentos non veretur incessere, ac modò hæc, modò illa in dubium vocare: meminerint inter libera esse debere bonorum & doctorum virorum iudicia, & Tiberium illum subinde dictitare solitum, in ciuitate libera, linguas, mentesq; liberas esse debere. Nam etiamsi quàm maxime, uti volunt, festinans abortum fecerim, concedens tamen illi nobis, ni fallor, vrsæ in morem informe corpus lambendo paulatim figurare, quantumuis non erat, quod hîc vitio darent præperam festinationem: quando id tantum studuimus, ut bono publico morbum cognitum redderemus, atq; ad penitioem eiusdem cognitionem alijs viam sterneremus, & occasionem dareremus, succincte, neq; satis dilucide à nobis dicta, fusiùs atq; apertius cõmentandi: quod quoniam hætenus, quod sciam, à nemine factum est, statui tandem ipsius, quod iam antè effinxi rude corporis simulacrum, expressius formare, atque summa cura expolire: & quod in epistola illa de magnis Lienibus confuse quodammodo scripsi, certo ordine demonstrare, ac methodum quandam curatoriam subijcere. Nam per Deos immortales, quid insulsiùs? quid Medico viro indignius? quàm præscriptorum aliquot formulas ab Empericis manu traditas, præter rationem usu

Vsitata hætenus
vulgò sto
macaces
curandi
ratio.

exigente ægrotis exhibere? quid magis deplorandum, quàm ad easdem, ceu Dei manus confugere? sicuti hodie multi faciunt, qui Sisymbrio altero (quod officinæ nasturtium aquaticum) &

CC=

N V N C V P A T O R I A .

3

cepæ (quæ becabungam vocant) in recens mul-
 to lacte decoctis non verentur quibusuis etiam
 sceletyrbicus sanitatem polliceri: cum solius ce-
 pæ decocto, quantum ego quidem conijcere
 possum, alienius nihil sit: nam aquea sua, qua pol-
 let humiditate, excrescentiæ lienum, si intro su-
 matur, materiam suppeditat: ad oris certè, gingi-
 varumq; ablutiones decoctum eius admiserim,
 est enim astrictiōis alicuius particeps, vnde &
 & gingiuas firmiores quodammodo reddit, atq;
 atram illam bilē sua humiditate refrenat ac cō-
 pescit. Vnde factum suspicor, vt cum ad oris vi-
 tia post vniuersalia remedia non sine laude vsur-
 pari viderent, ad internas etiam morbi causas
 depellendas vtiliter exhiberi posse, crederent.
 In vulgò simplicitatem hanc non valde impro-
 bo, in Medico viro maximi vitij loco duco: si-
 quidem cum ijsdem morbis pro temporis, loci,
 ætatis, corporis, ac consuetudinis ratione, varia
 adhibere remedia nonnunquam cogatur, nō de-
 bebat Empericorum more senio confectis, ac æ-
 tate florētibus, biliosis æquē ac pituitosis, idem
 propinare pharmacum, καὶ ἐν καλῶν ὀφείλει πᾶν ἴα-
 τρος εἶναι: quod eō dictum nolo, quod cupiam ad
 præscripta mea, ceu sacram anchoram confugi-
 nam ea quoq; pro corporis & temporis ratio-
 ne quiuis alterare poterit: ascripta enim à no-
 bis sunt exempli tantum loco, quanquam & si
 quis ijsdem cum ratione vtatur, suo non defrau-
 dabitur fructu. Quoniam autem certò nobis cō-

A 3

staret,

EPISTOLA

staret, non defuturos, quibus labor hic noster nō
 satis arrideret, visum fuit ad vos viri præclaris-
 simi, tanquā ad Asylum quoddam, confugere.
 Tanti enim vos hæcenus feci, ut ornamenti plu-
 rimū nostris accessurum laboribus considerē,
 si aliquando pateremini nostri aliquid sub nomi-
 nis vestri auspicijs diuulgari: ea etenim vestra
 est cōditio, ea auctoritas, ut omnes facile in hac
 Repub. vestros *συμπράδμονας* nō æquetis modò,
 verū etiam superetis, diserta quadam facun-
 dia, consilij maturitate, et rerum usu. Nam, præ-
 terquā quod ordine quodam, tanquam per gra-
 dus, omnes quotquot sunt Reip. Goudanæ præ-
 fecturas ac magistratus obieritis, te etiam, mi
 Ioannes, antiquissimo nobilissimoq; præfecturæ
 aggerum collegio, Cæs. Maiestas ascriptum vo-
 luit, idq; tum ob singularem quandam industriā,
 ac in rebus ambiguis expeditum consilium, tum
 etiam, ni quid me fallat opinio, ob auitam gene-
 ris antiquitatem. Siquidem si, (ut multis argu-
 mentis demonstrat doctissimus Glareanus) Gal-
 lis olim maxima fuerint commercia linguæ Græ-
 cæ, verisimile prorsus erit, ne dicam necessa-
 rium, τῶν τῦργων, ταῦτ' ἀντὶ τῶν γῶν καὶ τοῦ τῦργων in-
 ter reliquas Belgicæ familias antiquitate præ-
 cellere, vel hoc ipso testificante nominis ety-
 mo. Excipite igitur viri ornatissimi exporre-
 sta fronte opusculum hoc vobis publicæ utilita-
 tis ergò desudatum, quod si sensero, abunde no-
 bis satisfactum erit, neque aliorum verebor iu-
 dicia.

Familia
 vander
 Burch,
 Tauten-
 burch,
 Sou-
 burch.

NVNCVPATORIA.

4

dicia. Deus interim Opti. Maxim. vos nostræ
Reipub. diu seruet, atque à Sceletyrbica hac
lue tueatur. Goudæ Calend. Februarij M.D.
LXIIII.

*Vobis addictiss.
Ronsseus.*

A 4 D. THE-

D. THEODORI SOV-
PYRGII GOVDANI ENDECASYL-
LABVM AD AVCTOREM.

INgentes tibi Balduino debent
Grates, non homines modò, lienum
Quos inuoluere dira magnitudo
Morbis sæpè solet periculosis:
Verùm & qui Medicæ scientia artis
Nomen perpetuum, decusque adepti,
Doctorum volitant virum per ora,
Quòd magnis, opera tua, tenebris
Exempti, facili medentur arte
Ex splenis vitio periclitanti.
Quare posteritas tuos labores
Ronffe, Pëonia vir arte clare,
Extollet meritò, tuumque nomen
Fama post obitum perenne reddet.


Idem ad Libellum.

QVos soleant morbos magni generare lienes,
Sis licet exiguus, docte libelle doces.
Sed quia nil prodest Medico cognoscere morbum,
Ni qua curandus sit ratione sciat:
Propterea adiecit solers, qua debeat illud
Pestiferum tolli, Ronffeus, arte malum.
Vade igitur, multosque tuo medicamine pœnis
Tristibus eripias, officioque iuues.

D. BAL=

SOV.
DECANL.
IAT.

D. BALDVINO^s
RONSSEO REIP. GOVDA-
NAE MEDICO. IOANNES
wierus Illust. Cluiæ Ducis &c.
Medicus. S. P. D.

 *VO D lucubrationes
tuas de Scorbuto mihi
miseris legendas censen-
dasq̃, ornatissime Rons-
see, facis tu quidem pro singulari tua
humanitate, & animi candore, quem
amplector mirificè: illas ut equidem
me peravidè legisse agnosco, ita te-
merarium me fatendum foret, si ela-
borati tui scripti dici censor velim.
Quàm sit mihi curta supellex, non
sum nescius. Summoperè autem pla-
cet is tuus labor, quem ex professo
instituísti de Scorbuto, licet antea
contractiùs epístola vna doctissima
hunc tu omnium, quos mihi videre
licuit,*

EPISTOLA.

licuit, primus explicueris. Perge igitur hanc secare glaciem, atque hos exantlare labores Reipublicæ admodum vtilis: & ne diutiùs supprimantur, curà vnicè. In curatione verò, te paulò velim esse copiosiore, atque nonnihil dicere de ijs curandi modis, quibus felici successu apud Hollandos, Phrisios, & loca maritima vtitur vulgus. Cùm etiam in tibijs ac genubus præsertim, nervorum rigor ex graui illo imbibito humore obseruetur, contra id symptoma, quemadmodum quoque ad lituras possent fomenta linimentaq; ascribi. Multùm & sæpè de hoc morbo contuli cum doctissimo integerrimoq; Medico D. Ioanni Echtio Colonienfi, vt & cum alijs, quorum audiui iudicia: hinc & scriptum, quod vides, communico, vt legas, aliorumq; videas sententiam.

Tam

Tam deprauatè hæc exscripserat
puer, vt me plurimum offenderit:
transmitto tamen, vt animum erga
te meum ostendam, & quid tuo no-
mine velim, si modo possum, intelli-
gas. Libenter etiam chartæ in trans-
scribendo calamum applicuisssem ip-
se, at temporis parùm mihi est reli-
quum, tot profectiõibus, & occupa-
tionibus alijs auocor: quas autem suf-
furatus sum horas paucas, libello
nostro nuper excuso iam relegendo,
castigando & augẽdo impedi. Exẽ-
plaria etenim omnia distracta esse
scripsit Oporinus noster, & plura à
multis desiderari: quapropter orauit
ille & hortatus est, vt ante Martini
ferias recognitum & locupletatum
exemplar transmitterem B aleam,
se illud emendatiùs, elegantius, au-
ctiusq; impressurũ pollicitus est, ad-
dito

EPISTOLA.

dito copioso indice, & Cæsareo pri-
uilegio. Tu interim in eo, quod feli-
citer cepisti, audaciùs progredere,
pergeq; iuuare Rempub. Christianā,
& in hoc totus sis, vt labor ille tuus
mundo innotescat in multam haud
dubiè Reipub. vtilitatem. Vale

Cluijs vj. Nouemb.

M. D. LXIII.

BALD. RONS. DE SCORB. 7
Generalia quædam in Morbis consi-
deranda. CAP. I.



VONIAM in Stomacaces conside-
ratione tota hæc nostra exercitatio
versabitur, non videbitur inconsul-
tum, si à primo orsi ouo, quisnam sit
morbus, inquiramus: deinde eiusdem caussas per-
scrutemur, ac deinceps methodum quandam cu-
ratoriam præscribamus: siquidem si, vt auctor
est Aristoteles, quatuor potissimum sunt, quæ
nos in cuiusq; rei notitiam ceu manu quadam du-
cunt, quia, propter quid, si est, & quid est, &
priora duo sine posteriorum cognitione haberi
nequeant: fieri non potest, vt qualitatē, aut caus-
sam eius, quod quærimus, prius agnoscamus,
quàm eius naturam veramq; essentiam: & ab-
surdum prorsus sit, morbi alicuius curam susci-
pere, cuius naturam & originem ignores: neque
sufficit dixisse, morbum, aut in instrumentarijs,
aut similaribus consistere particulis: & rursum,
eundem aut ex defectu eius, quod adesse debe-
bat, aut abundantia eius, quod non erat necessa-
rium, fieri: aut, sicuti Asclepiades, in meatuum
genere sanitatem & morbū reponere, nisi, quæ-
admodum docet Galenus, sumpto inditio ab ex-
crementorum specie, doloris proprietate, tumo-
ribus præter naturam, actione lesa, vitio colo-
ris, quod sequitur, vel in vniuerso corpore, vel
in vna aliqua parte, & proprijs accidentibus lo-
cum

ἀναλυτι-
κῶν ὑστί-
νων.

Lib. ii. de
loc. aff.

BALD. RONSSEVS

cum affectum, atque adeo morbum ipsum tandē
deprehendamus, ac deinde ni ex locorum varie-
tate, anniq; constitutione, morbos & præagi-
re, & eorundem essentiam dijudicare possimus.
Alianq; natura est morborum austrinam con-
stitutionem subsequētium, alia borealem, vt do-
cet Hippocrates. Siquidem, si austrina fuerit
hyems, & pluviosa, ver autem aridum, & bru-
male, mulieres, quibus instat in vere partus, ex
qualibet occasione abortiūt: & cum hyems sic-
ca & aquilonia fuerit, ver autem pluvium, &
austrinum, æstate existēt febres acutæ, lippitu-
dines, & dysenteria. Ad hæc alij vliginosis, alij
campestribus apricisq; locis, in metu esse solent
morbi: nā Cranō, cuius in epidemijs meminit Hip-
pocrates, pestilentibus & putridis morbis maxi-
mē fuit infestata, quod in loco concauo, & me-
ridionali sita esset, & auersa à ventis aquilo-
nijs subiectaq; ventorum tranquillitatibus, quas
vivarias vocant. Et rursus, qui loca edita aper-
taq; incolunt, tardius senescunt, sicuti qui caua
palustriaq;, ocys: ac locis palustribus vlcera
capitis celeriter curari, crurumq; tardē auctor
est Aristoteles. Præterea Bononiæ, quantumvis
leuia capitis vulnera, lethalia esse conspiciamus:
Romæ contra, quantumcunq; magna sint, facilē
curationem admittere: adhæc Romæ tibiarum,
vel leuissima vulnuscule, vix curantur: Bono-
niæ, etiam maxima, ocysimē sigillantur: & Fer-
rariæ ac Venetijs, & paucæ percipiuntur crises:

ANCO-

Sect. 3.
aph. 12.

Lib. 2.
sect. 1.

Prob. sect.
14. pr. 6.

Anconæ autem, vel in ipsa hyeme, frequentissi-
 mæ visuntur. Adeò rectè Hippocrates scriptum
 reliquit, quod quicunq; artem medicam integrè
 assequi velit, primum quidem temporum anni ra-
 tionem habere debeat, quantum potentia quod-
 libet eorum valeat: non enim simile quicquam in
 ipsis existit, verum differunt inuicem propter
 varias, quæ in ipsis fiunt, mutationes: Deinde vè-
 torum calidorum & frigidorum, maximè qui ex
 his, omnibus hominibus sunt communes, & mox,
 qui in vnaqua; regione sunt indigenæ, & pro-
 prij. Neq; verò negligentiorē sese circa aqua-
 rum facultates cognoscendas exhibere conue-
 nit: quemadmodum enim gustu differunt, & pō-
 dere, ac statione, sic quoq; virtute, aliæ alijs lon-
 gè præstant. Quare si quis ad urbem sibi inco-
 gnitam perueniat, circumspicere oportet eius
 situm, quomodo scilicet ad ventos, & Solis ex-
 ortus iaceat: non enim æquales vires sunt ad se-
 ptentrionem sitæ, & vergentes ad austrum: ne-
 que eius quæ Solem exorientem, & quæ eundē
 occidentem spectat. Multum siquidem differt
 Asia ab Europa secundum naturas omnium ex ter-
 ra nascentium: solent etenim Asiani Europæis mul-
 tō esse mansuetiores, timidiores, atq; effemina-
 tiores, quod Aristoteles per *αὐτὴν τὴν φύσιν* fieri
 contendit, Hippocrates temporum æqualitati,
 aut inæqualitati acceptum fert. Consueuerunt
 etiam nonnunquam vitia aliqua repente gigni in
 certa aliqua terrarum parte, membrisq; hominum

Lib. de
 aëre, aqua
 & locis.

Prob. sec
 14. pr. 16.

Lib. de
 aëre, aqua
 & locis.

ser-

BALD. RONSIVS

- Lib. 7. cap. 50. & lib. 26. cap. 1. certis, vt auctor est Plinius, vel etatibus, aut etia fortunis, tanquam malo eligente, haec in pueris grassari, illa in adultis, haec procures sentire, illa pauperes: nam splenitides vliginosis praesertim locis, in metu esse dicit Hippocrates, & hodie in Stiria & Carinthia ob vitiatas mineras aquas, homines struma & bronchocele adeo affici contingit, vt voce priuetur. Plinius Elephasin peculiare Aegypti malum vocat, neq; ante Pompei magni tempora Italiam inuasisse demonstrat: Carbunculum idem Narbonensi provincia familiarē dicit, ac primum in Italiam venisse L. Paulo, & Q. Martio censoribus. Praeterea lichenas seu mentagram ante Tiberij Claudij principatum Italia non vidit, quodam Perusino equite Romano quaestorio scriba, ex Asia contagem eius importante. Ita solet natura varietate rerum ludere, & semet oblectare: & quemadmodum varias formas, monstrososq; partus producit, ita varios interdum, & novos morbos parit, & alios in nobis desinere finit: argumento esse potest morbus, quē Gemursam appellare solent Prisci, cuius vel nomen ipsum obliteratum esse ostendit Plinius.
- Lib. 26. cap. 1.

Quis morbus sit Stomacacaxia dicta, & quo nomine apud Hippocratem appelletur.

CAP. II.

I li

DE SCORBUTO.

9



LINIVS Naturalis historiae libro,
nec bestiarum, inquit, scelera ad no-
cendum sola sunt, sed interim aqua-
rum quoq; & locorum. In Germa-

Lib. 25.
cap. 3.

nia trans Rhenum castris à Germanico Cesare
promotis, maritimo tractu fons erat aquae, dul-
cis solus, qua pota, intra biennium dentes deci-
derent, compagesq; in gubus dissoluerentur.
Stomacacen Medici vocabant, & Sceletyrben
ea mala. Id vitium hodie paulò latius serpsit, &
confines aliquot regiones inuasit, Hollandiam
dico, Daniamq;: & sicuti audio, Flandris, Bra-
bantisq;: haftenus tamen incognitum, paulatim
innotescere occipit. Hippocrates sub finem se-
cundi libri praedictionum, Plinij Stomacacen hanc,
& Sceletyrben graphicis admodum his verbis
depingit, ac magnitudini lienum acceptas fert.
Quicumq; inquit, dum neq; febricitant, neque
decolores sunt, saepe & verticem, & tempora
dolent, si non alium habuerint manifestum ab-
scessum in facie, aut grauitè loquantur, aut den-
tes doleant, his sanguinem per nares erupturum
expectandum est. Quibus verò ex naribus san-
guis fluit, hi, etsi alioqui sani esse videntur, hos
autem, vel splenem in tumorem eleuatum habe-
re comperies, vel caput dolere, vel splendicans
quiddam ipsis ob oculos versatur. Plerisq; verò
horum simul & caput, et sple, hoc modo se habe-
re apparèt. Gingiuae vitatae, & ora graueolen-
tia his sunt, quibus splenes magni. Quicumq; ve-

Lib. 2.
praedict.

B

ro

BALD. RONSSEVS

Lib. 2.
cap. 7.

Celius
lib. 3.
Chramō
cap. 4.
Aescula-
pi⁹ cap. 34

Aeginet.
lib. 3. cap.
49.
Aëtius
Tetra. 3.
serm. 3.
cap. 7.

ro habent splenes magnos, & neque sanguinis eruptiones ipsis contingunt, neq; oris graueo-
lentia, horum tibiæ vlcera praua habent, atq; ex
his cicatrices nigras. Cornelius Celsus Latinus
merito Hippocrates dictus, eandem sententiam
sic reddidit. Quibus sæpè ex naribus sanguis flu-
it, his aut lien tumet, aut capitis dolores sunt,
quos sequitur, aut quædam ante oculos, tanquã
imagines, obuersentur. At quibus magni lienes
sunt, his gingiua male sunt, & os olet, aut san-
guis aliqua ex parte prorumpit: quorum si ni-
hil euenit, necesse est in cruribus vlcera, & ex
his nigrae cicatrices fiant. Possumus & huc ac-
commodare, quæ Celius ille Methodicus Siccen-
sis, & Aesculapius scribunt: siquidem alter de
lienosis loquens, præterea, inquit, oris fœtor æ-
grotantes afficit cum gingiuarum putrefactio-
ne, & defluxione. Sectarum principes memine-
runt tenuari etiam cutem ventris, & venas ni-
gras apparere, atq; crassiores, et in cruribus vl-
cera difficile in cicatricem, vel indecenter ve-
nientia. Alter verò, quando inquit, intumuerit
pars splenis, vsq; ad sinistrum inguen, & præcor-
dia ipsa vsq; ad iugulum dolent, & ex vicinita-
te aliud latus dolet, cum colore pallido & liui-
do, exinde tumescit totum corpus, cum oris fœ-
tore, in capite. Ante omnia difficultas pedum.
His per omnia respōdēt, quæ Paulus ex Aegima-
medicus, & Aëtius nobis tradiderunt, quæ bre-
uitatis gratia volens, omitto. Poterat enim so-
lius

lius Hippocratis, vel Celsi locus satisfacisse, nisi auctorum hac congerie manifestum prorsus reddere voluissimus, Plinium morbi potius symptomata, quam morbum ipsum descripsisse, neq; satis animaduertisse ipsius originem: dum, sicuti rationalis sectæ diligens vsque adeo inquisitor non fuit (vt bona tanti viri venia dicam) ea, quæ ab alijs experientia, aut fortuito aliquo casu, comperta essent, sedulo obseruare maluit, quam singulorum perscrutari causas. Si enim magno existente liene, sanguinis eruptio per nares, non fiat, verisimile est, sanguine illo impuro ad inferioris regurgitante, partes coxas, atq; tibias, nõ secus, ac sentina quæpiam, eundem recepturas, atq; inibi (solet enim cutis similis efflorescere humoribus) sui vestigia relicturum: & si, qui peccat humor, acrior sit, corrosa paulatim carne, vlcera producturum, quæ & difficilem recipiât curationem, & si consolidentur, post se cicatrices relinquant nigras, quod vitium loco iam citato Plinius Sceletyrben vocitat. Solent nanque ita affecti, vacillante ac titubante gradu progredi, solutis quodammodo in genibus neruorum compaginibus: sin impetu quodam ad superiora feratur humor melancholicus, è sinistranare sanguinis fluor subsequetur, qui, nisi diutiùs durauerit malum, morbum per se frequenter soluit: & quantumuis non liberet, viam tamen sternit ad faciliorem curationem. Verùm si sanguinis eruptio, nec è naribus, nec hæmorrhoidibus (assol-

Lib. 25.
cap. 3.

BALD. RONSSEVS

let siquidem per has fex illamelancholica expur-
gari) nec aliunde subsequatur, tum demum neces-
sum est gingiuas vitiari, & os malè olere, &
splendicans quid ob oculos versari, succo illo
gingiuas inficiente, atq; exedente, & fuligino-
sis vaporibus cerebrum petentibus: quod vitium
Plinius Stomacacen, vulgus medicorum corru-
pto vocabulo Stomacacaxiam appellat, ac si in-
telligent, vti suspicor, τῆς τῶ στομάχου κακίαν,
quòd magna ex parte cibū auersentur ægri. ac-
cidens profectò, non huic tantum, sed & omni-
bus ferè in genere morbis commune, quod quàm
sit friuolū, quiuis, vel tenuiter in re medica ver-
satus, facillè consequetur, cūm potiùs Græce
dictionis Etymon ad os deprauatum referēdum
sit, quò & Danos alluisse verisimile est, dum
vitium hoc Scerbock appellitant. Hollandi tamē
Aëtium sequuti, Scuerbuyck, tanquam ventris
rupturam, aut ramicem dicere maluerunt.

Tetr. 3.
ser. 2.
cap. 7.

Quod aliud sit Stomacacaxia ab Ictē-
ritia nigra. CAP. III.



VI Stomacacen aut Magnos lienes,
aut vtut vocare libuerit, Ictēritiam
nigram esse cōtendunt: quantum ego
quidem conijcere possum, tota errant
via, neq; satis perspectam habent Arquati nigri
naturam. Nam sicuti bilis, vt auctor est Galenus,
si in vna aliqua duntaxat parte redundat, Ery-
sipea

Lib. de
Sympt.
caus.

sipelata, & Herpetes excitat, sin per vniuersum
 corporis habitum exuperet Regium morbum,
 quem Græci *ιτερτιον* nominant, procreat: ita non
 vocabimus statim *Ιτερτιαν* nigram, vbi nigro
 quodam liuore suffundatur tantum coxæ, tibie,
 aut, quod semel vidisse contigit, brachia, nisi fa-
 cultas attractrix lienis infirma fuerit, et in mea-
 tus, per quem atræ bilis excrementum, ceu limū
 sanguinis, naturaliter eliciebat, obstructus sit:
 nam alioqui vbi in vniuerso corpore atra bilis
 fuerit, loco iam allegato, Galenus Elephantiasin
 subsequi magna ex parte dicit, sicuti, si in vna
 aliqua parte, Cancrum. Neque quisquam, quod
 sciam, veterum præter Hippocratem, & Paulū
 ex Aegina medicum, suffusionem hanc atræ bi-
 lis per vniuersum corpus proprio nomine com-
 pellauit. Nam etiamsi Galenus ob splenis vitia
 corpus vniuersum colore subatro suffundi con-
 cedat, proprium tamen nullum nomen eidem af-
 fectui attribuit, cum ante à pallidæ bilis suffusio-
 nē, Regium vocari morbum dicat, atq; ob id om-
 nes ferē ad vnum, proprio carere nomine dixe-
 runt, cuius euidētissimum testimonium nobis dat
 Auctuarius: nam qualem, inquit, in hepate ar-
 quatum creari diximus, talis etiam affecto lie-
 ne oritur, vbi eius humor in totum corpus dif-
 funditur, verum nigriore colore inficitur,
 caretq; hic affectus proprio nomine. Qui hoc
 Arquato corripuntur, nonnulli in suppallidum,
 alij viridem, quidam liuidum, aut nigriusculum

D. Ioānes

Vvrius

scripsit

nobis suf-

fusiones

has in bra-

chijs se

frequen-

ter vidis-

se, non-

nunquam

etiam in

sinistro

latere cir-

ca lienis

regionē.

Pau. lib. 3.

cap. 49.

De locis

aff. lib. 5.

cap. 7.

Meth.

med. lib.

1. cap. 11.

& lib. 4.

BALD. RONSSEVS

Lib. de
Morb. 2.

Lib. 3.
cap. 49.

Lib. 2. de
Nat. fa.

colorem mutantur, pro humoris peccantis natura, aut conditione. Perperam igitur Arquatum nigrum vocabimus, nisi per vniuersum corpus, ac precipue faciem, ater quidam color suffundatur, quod clare in hunc modum Hippocrates testatum reliquit. Color, inquit, fit niger circa faciem, & maxime circa partes, velut in vmbra, occultatas, & oculi cum virore pallidi, itemq; lingua inferne, & sub lingua crassa, & nigra, &c. Et Paulus Aegineta *μελανα ἰντερον* (sic enim appellat) esse dicit, quoties ater sanguis per totum corpus sese spargat, quod in Stomacace nostra, aut Sceletyrbe nequaquam fieri videmus: siquidem, etiamsi usu veniat interdum praecedente *λόρδωσι*, quam elumbationem aut lumbaginem vocant Latini, coxas, v̄etrem, lumbos, atro quodam colore infici, gingiuasq; adeo affici, vt confortij lege ipsum palatum non raro coafficiant, nunquam tamen quisquam Sceletyrbicum vidit, cuius oculorū albū, in liuidū, subpallidū, aut nigriusculū colorē mutaretur, et cuius genae cū tota corporis compage, alio tingerētur colore. Et quamuis Galenus Regium morbū, qui ab atra bile fit, nigriorem esse dicat. Itemq; vlcera cicatrices nigras, non statim hinc inferendum erit, in icteritia nigra vlcera fieri, atq; ex his cicatrices nigras, sicuti in Sceletyrbe fieri assolet: sed videtur Galenus nigras cicatrices quodammodo à Regio morbo seiunxisse (sunt enim distinctae inter se periodi) atq; id voluisse, quod vlcera,

si quae

si quæ lienis vitio oriantur, cicatrices nigras, tanquàm melancholici humoris vestigia relinquere soleant. Verisimile igitur est, sicuti omne excrementum sui generis morbum creat, ipsumq; pro sui natura varia solere subsequi excrementorū genera, ita Magnos hosce Lienes, ad extimas corporis partes, pedes dico, pulso melancholico humore, inibi pro sui natura morbū cōciliare, quemadmodum iam ante Galeni auctoritate diximus, si in vno aliquo loco bilis fuerit atra, in metu esse cancrum: ac proinde vbi crura, & coxas petierit, humorem, vbi aliquamdiu delituerit, tandem quodammodò efflorescerem, atq; semet exerere. Solet siquidem, vt docet Ga. Lib. 4. lenus, cutis similis efflorescere humoribus, vnde Sanit. tuē, & certissimam succi cognitionem ex colore dari dicit: nam si corpus solito albius effectum sit, pituitosum abundare succum indicat, si pallidius aut flavius, biliosum: ita si ad rubicundius, quàm pro natura, sit mutatum, sanguinis abundantiam subesse, sicuti si ad nigrius, quemadmodū in Sceletyrbe contingit, nigram superesse bilē ostēdit.

Quod Stomacace nō sit voluulus Hæmathites, vt suspicatur Ioannes Langius. CAP. IIII.

IOANNES ille Langius Palatino-
rum Rhēni Archiatros, vir, si quis-
quam alius, πολὺν ἰσχυρὸν, & maximi ex-
actissimiq; iudicij, atque, vt ipsemet

Epist. Me-
di. misc. 2.
Epist. 13.
& 14.

B 4 de

BALD. RONSSEVS

Hipp. de
morb.
inter.

de se scribit, παλαιόφίλος, dum nouos oriri mor-
bos, quorum saltem ante à vestigia non apparue-
rint, inficiatur, ac singulos, qui hodie grassan-
tur, ad aliquem eorum, qui ab Hippocrate, Gale-
no, aut alijs antiquioribus recensentur, reducere
conatur, Stomacacen ad tertiam Hippocratici
Voluuli speciem, quam Hæmathithen vocat, re-
fert, adeoq; clarè ab eodem descriptam dicit, vt
penicillo vix possis meliùs depingere, produ-
citq; in medium Hippocratem sic scribentem. in
hoc morbo, inquit, accidunt, vt ex ore malè o-
leant, à dentibus gingiue discedunt, & à nari-
bus sanguis profluit, aliquando ex cruribus vl-
cera pullulant, & alia sanescunt, alia emergunt,
& cutis extenuata nigrescit. Scita me Hercule
morbi delineatio, nisi idem senex statim subiun-
xisset (est autem ad laborandum, & deambulan-
dum pròptus) quod diuersum quid à Stomacace
innuere videtur. Nam quantumcunq; Sceletyr-
ben à Stomacace seiungas, quod & facit Lan-
gius, (quod tamen vix fieri potest, cum eandem
causam, eandemq; sedem primariò affectam con-
sequantur) vix tamen è multis milibus vnum re-
perias, qui Stomacace, aut Sceletyrbe, laborans,
ad laborandum, ac deambulandum promptus sit,
quod humor ille melancholicus, per se segne cor-
pus reddat, atq; ad actiones pigrum. Neq; me mo-
uet, quòd Galenum, aut eum quisquis tandè fue-
rit, qui definitiones medicas conscripsit, in me-
dium producat, sigillatim de Sceletyrbe scriben-
tem,

tem, atque eam inter resolutionis species, licet non satis propriè, referentem: siquidem cum læsa, vitiataq; tantum sit actio, pedibus cruribusq; non absolute sibi constantibus, verum quodammodo vacillantibus, non autem in totum abolita, deperditaq;, sicuti in resolutis fieri demonstrat Galenus, (dicitur enim, ut idem docet, neruorum resolutio, potissimum ubi motus deperditus sit, quanquam et si sensus duntaxat pereat, & sensus simul cum motu, resolutionem quoq; nominare soleant) non satis propriè Sceletyrben Paraly sin dixeris, quando neq; sensus, neque motus prorsus perierunt: rectius certè, ut Etymon vocabuli indicat, ossium perturbationem appella- ueris, quando confusa quædam atq; interturbata, neque recto ordine progrediens censenda potius sit motio, quam motus abolitio: si tamen aliqui diminutam paraly sin nominare lubeat, non multum refert, atq; per me, quantum eius fieri potest, integrum est: permittimus enim lubenter cum Galeno unicuiq; pro arbitrio nominibus uti, dummodò in cognitione laboratis particula non aberramus. Verum, antequam ulterius progrediamur, Auctorem Medicarum definitionum satius erit semel audiuisse. Sceletyrbe, inquit, species est resolutionis, qua erectus ambulare homo non potest, & latus aliàs in rectum, quandoq; sinistrum in dextrum, nonnunquam dextrum in sinistrum circumfert, interdum quoque pedem non attollit, sed attrahit, veluti ij, qui magnos cliuos

De loc.
aff. lib. 3.
cap. 10. &
Celius
methòd.
chro. lib.
2. cap. 1.

BALD. RONSSEVS

ascendunt. Esto demus Sceletyrben esse resolu-
tionis speciē, an statim hinc inferendum erit, pri-
marium affectum, aut in genubus neruorum com-
paginibus dissolutis, aut in spina medulla consi-
stere? minime. Videmus enim cerebrum, ac spina-
lem medullam lege consortij alijs membris, &
præsertim visceribus, coaffici: nam epilepsiam,
apoplexiam, atq; ex hac paratysin oriri certum
est, ventriculo, eiusq; præsertim ore primario af-

De locis facto: sic Galenus grammaticum quendam iuue-
nem, quoties vel nimis vehementer doceret, aut
cogitaret, aut in ediam sustineret, aut irascere-
tur, morbo comitiali correptum refert. Et quod

De loc. de Stomacho diximus, idem de Liene, et Hepate
aff. lib. 3. pronuntiatur volumus: nam quantumuis aliquis
cap. 5. hic obijcere possit, stomachum cerebro, & rur-
sum cerebrū stomacho facilius affectiones suas
transmittere, propter neruorum a cerebro ad os
ventriculi descendendum magnitudinem, per
quos, vt docet idem Galenus, etiam sensus huic
particulæ, quam vlli reliquarum corporis par-
tium, acutior est: reliqua verò viscera non item.

De loc. Huic responsum volumus ex Galeno, puero cui-
aff. lib. 3. dam cum à crure morbus comitialis oriri cōsue-
cap. 7. uerat, purgato probe corpore, membroq; in me-
dio ligato, supra eam partem, quæ videlicet pri-
maria dispositione erat affecta, ac deinceps me-
dicamēto, quod ex Thapsia aut Sinapi sit, appli-
cito, accessionem, quæ quotidie inuadere cōsue-
uerat, penitus interceptam fuisse. Ac proinde, si

cruri

cruci consentire potest cerebrum, multò magis
 iecinori, ac lieni, quibus ex sexto neruorum pa-
 ri neruos non pœnitēdos transmittit: vt interim
 venarum consortiū omittam, per quas modò san-
 guis, modò melancholia ad cerebrum transmitti-
 tur. Huc adde, quod Hippocrates gibbositatem, Lib. de
Art.
 quæ infra septum transuersum fit, solui dicat,
 quoties varices in cruribus fiunt, aut in vena iu-
 xta poplitem, succo illo, vt in commēto eiusdem
 loci docet Galenus, ad hasce venas delato: con-
 suevit siquidem magna ex parte Varicum origo
 esse sanguis melancholicus, quòd cū ita sit, non
 mirum est, liene primariò affecto Lib. 2.
predict.
& de in-
ter. affect.
 dum, atq; Sceletyrben accidere, genuum compa-
 ginibus quodammodo dissolutis: solet etenim fre-
 quenter, si melancholici humoris copia graue-
 tur, eundem ad crura coxasq; remittere. Sic Hip-
 pocrates Magnis Lienibus, et secūda & tertia
 splenitidis speciei, in cruribus vlcera in metu es-
 se dicit. Et Paulus Aegineta ijs, qui Lienis ob-
 structione laborant, vlcera in cruribus oriri di-
 cit, quæ cicatricem non recipiant. Lib. 3.
cap. 49.

De caussa Stomacacaxiæ. CAP. V.



VANQVAM Galenus caussas mo-
 dò in *προνουμένων*, id est præceden- Lib. 1.
Meth. &
Lib. 2. de
Morb.
caus.
 tes seu internas, quod in ipso videli-
 cet animalis corpore consistant, &
προναιώντων, id est euidentes, quod extrinsecus
 ad-

BALD. RONSSEVS

- Lib. 4. meth. aduenientes vehementer alterent, & immutent corpora, diuidere soleat, contendatq; absurdum prorsus esse, curationis indicationem ab externa aliqua caussa sumere, cum tamen ad affectus cognitionem plurimum conferat: Interdum etiam idem caussas in gignentes, & augētes dispescat, animaduertendumq; doceat in omni morbo, num effectrix caussa defierit, vel etiamnum agat, adeoq; ipsos morbos tum augeat, tum faciat. Nobis generali definitione satis erit appellasse Causam, omne id, quod quocūq; modo morbo aliquid confert, quemadmodum austrinam & pluuiosam hiemem, si ver aquilonium subsequatur, abortus caussam dicere solemus: ac proinde magnorum Splenum caussam, partim ad victus intemperantiam, partim ad corporis totius constitutionem, partim ad regionem, atque anni constitutionem referemus. Ad Regionem quidem, quod vliginosi locis excrescere soleant lienes, vt auctor est Hippocrates, & post eum Aëtius: siquidem Hippocrates passim, tū potissimum libro de Aëre, aqua & locis, qua et locis, Hepatitides, Splenitidesq; palustribus locis acceptas fert: Et Aëtius, vbi inquit, humida affectione Splen detinetur, atq; ea vbi amplius inualuerit, in tantum eius incrementum facit, vt etiam ventrem pertingat, & hepar. Condi splenes sūeuit autem humida dispositio circa lienem consistere, ab immodice humectantibus, dieta, exercitio, aëreq; & locis: oboriri solet & his, qui circa palustres habitant locos. Ab hoc non dissonat,
- Lib. 4. meth. aduenientes vehementer alterent, & immutent corpora, diuidere soleat, contendatq; absurdum prorsus esse, curationis indicationem ab externa aliqua caussa sumere, cum tamen ad affectus cognitionem plurimum conferat: Interdum etiam idem caussas in gignentes, & augētes dispescat, animaduertendumq; doceat in omni morbo, num effectrix caussa defierit, vel etiamnum agat, adeoq; ipsos morbos tum augeat, tum faciat. Nobis generali definitione satis erit appellasse Causam, omne id, quod quocūq; modo morbo aliquid confert, quemadmodum austrinam & pluuiosam hiemem, si ver aquilonium subsequatur, abortus caussam dicere solemus: ac proinde magnorum Splenum caussam, partim ad victus intemperantiam, partim ad corporis totius constitutionem, partim ad regionem, atque anni constitutionem referemus. Ad Regionem quidem, quod vliginosi locis excrescere soleant lienes, vt auctor est Hippocrates, & post eum Aëtius: siquidem Hippocrates passim, tū potissimum libro de Aëre, aqua & locis, qua et locis, Hepatitides, Splenitidesq; palustribus locis acceptas fert: Et Aëtius, vbi inquit, humida affectione Splen detinetur, atq; ea vbi amplius inualuerit, in tantum eius incrementum facit, vt etiam ventrem pertingat, & hepar. Condi splenes sūeuit autem humida dispositio circa lienem consistere, ab immodice humectantibus, dieta, exercitio, aëreq; & locis: oboriri solet & his, qui circa palustres habitant locos. Ab hoc non dissonat,
- Hip. aph. Sect. 3. aph. 12. bis generali definitione satis erit appellasse Causam, omne id, quod quocūq; modo morbo aliquid confert, quemadmodum austrinam & pluuiosam hiemem, si ver aquilonium subsequatur, abortus caussam dicere solemus: ac proinde magnorum Splenum caussam, partim ad victus intemperantiam, partim ad corporis totius constitutionem, partim ad regionem, atque anni constitutionem referemus. Ad Regionem quidem, quod vliginosi locis excrescere soleant lienes, vt auctor est Hippocrates, & post eum Aëtius: siquidem Hippocrates passim, tū potissimum libro de Aëre, aqua & locis, qua et locis, Hepatitides, Splenitidesq; palustribus locis acceptas fert: Et Aëtius, vbi inquit, humida affectione Splen detinetur, atq; ea vbi amplius inualuerit, in tantum eius incrementum facit, vt etiam ventrem pertingat, & hepar. Condi splenes sūeuit autem humida dispositio circa lienem consistere, ab immodice humectantibus, dieta, exercitio, aëreq; & locis: oboriri solet & his, qui circa palustres habitant locos. Ab hoc non dissonat,
- Lib. de Hippocrates, & post eum Aëtius: siquidem Hippocrates passim, tū potissimum libro de Aëre, aqua & locis, qua et locis, Hepatitides, Splenitidesq; palustribus locis acceptas fert: Et Aëtius, vbi inquit, humida affectione Splen detinetur, atq; ea vbi amplius inualuerit, in tantum eius incrementum facit, vt etiam ventrem pertingat, & hepar. Condi splenes sūeuit autem humida dispositio circa lienem consistere, ab immodice humectantibus, dieta, exercitio, aëreq; & locis: oboriri solet & his, qui circa palustres habitant locos. Ab hoc non dissonat,
- Tetra. 3. ferm. 2. cap. 7. Huiusmodi splenes sūeuit autem humida dispositio circa lienem consistere, ab immodice humectantibus, dieta, exercitio, aëreq; & locis: oboriri solet & his, qui circa palustres habitant locos. Ab hoc non dissonat,
- Huiusmodi splenes sūeuit autem humida dispositio circa lienem consistere, ab immodice humectantibus, dieta, exercitio, aëreq; & locis: oboriri solet & his, qui circa palustres habitant locos. Ab hoc non dissonat,
- Realduus Colūbus circa palustres habitant locos. Ab hoc non dissonat,

nat, quod loco iam citato Hippocrates scribat lib. Anat.
 Phasianos (est autem Phasis fluuiorum omnium 15. ita vt
 stagnantiſſimus) pallidum ſemper præ ſe ferre co 20. libra-
 lorem, velut hi, qui Regio laborant morbo. Cor= rû pōdus
 poris porrò cōſtitutioni, acceptas ferimus Sple= vnus lien
 nitides, tum quod morbus hic, non ſecus ac Po= excede-
 dagra, aliq; hæreditarij morbi, hæreditario quo= ret.
 dam iure ſoboles inuadere ſoleat, tum quod cor=
 poris compages, ſi melancholica ſit, aut non ſatis
 compacta, ſed quodammodo fungoſa, oportuniſ-
 ſime ſe habebit ad lienum excreſcentias. Solent
 enim, vt auctor eſt Hippocrates, morbi aliq ad Aph. ſect.
 alia bene malè ſe habere. Victus autem ratio= 3. apho. 3.
 nem cauſſam dicimus, quod ea potiſſimum, vt au-
 ctoreſ ſunt Hippocrates, et Galenus, et poſt eos Lib. de nu-
 omnes, quotquot extant, claſſici ſcriptoreſ, ad tu. homi-
 morborum procreationem plurimum conferat. nis.
 Nam Elephantiaſin Galenus in Alexandria plu= Gal. de
 rimum generari auctor eſt, ex victus ratione: co= bo. & ma
 medunt enim, inquit, farinam elixatam, & lentē, ſucc.
 cochleas, & alia plura ſalita, nonnulli etiam ex Lib. 2. 2.
 ipsis carnes aſininas, & alia eiufmodi, quæ cras= Glaucō.
 ſum, & atræ bilis humorem generant. Et ſi ita de
 Elephantiaſi Galeno pronunciandū videtur, cur
 nobis idem non liceat de Lienum excreſcentijs?
 quādo Aëtius aquæ largiorem potum, & holera Tetra. 3.
 humectādi vi prædita, ad Splenis magnitudinem ſerm. 2.
 plurimum conferre dicat? Et ſi ſolius aquæ po= cap. 7.
 tus, holerumq; largior vſus Aëtio ad procrea-
 tionem magnorum ſplenum ſatiſfaciant, cur no-
 bis

BALD. RONSSEVS

bis non liceat dicere, Hollandis, tum ob victus in-
 temperantiam, tum ob aëris, lociq; qualitatem
 (vt corporis constitutionem laxam quodammo-
 do, & fungosam omittam) maxime esse infestas
 Splenitides? satis enim superq; notum est, eosdem
 cibis nimis quam melancholici succi vesci: nā præ-
 ter aquaticas volucres, quarum apud eos quoti-
 dianus vsus est, etiā fumū, si dicere liceat, deglu-
 tiunt, dum bubulas carnes (vt in septētrione no-
 stro fieri assolet) sale prius conditas, fumo expo-
 nunt, atq; eas vsu exigente comedunt: ferculum
 me hercule, si quod aliud, melancholico succo ma-
 teriam suppeditans. Nam etiamsi quā maxime
 boni succi sit, id quod fumo asseruatur, perfuma-
 tione, vt sic dicam, aliam quandam naturam in-
 duit, atq; innato succo orbū, atri humoris caus-
 sa efficitur. Ceterū anni cōstitutionem ad Lie-
 nis augmentum facere dicimus, quod etsi omni-
 bus tempestatibus inuadat, longo tamen rerū vsu,
 & experientia edocti comperimus, humidum ac
 austrinum cæli statum ad Lienum excrescentias
 plurimum facere. Anno enim à redempto mundo
 1556, cū toto anni decursu pluuiæ, himbresq;
 essent, flaretq; Auster ac Fauonius, insequente
 anno plurimos Sceletyrbe ac Stomacace inuasit,
 atq; ita inuasit, vt multos in vitæ discrimen re-
 degerit: & ne longius petantur exempla, anno
 An. 1562. superiore, cū pluuium esset cælum, hoc anno
 frequentissimas & molestissimas vidimus Scele-
 tyrbes, & Stomacaces. Vt hinc manifestū pror-
 sus

Sus sit, morbum hunc semper quidem esse Endemium, (voco autem Endemium, sicuti solet Galenus, eum, qui ex aëre patrio, vel aquis, quibus tota regio utitur, provenire solet) interdum etiam Epidemium, non tamen pestilentem. Videmus siquidem, humida præcedente cæli constitutione, passim grassari, ac contagem alijs leuissima etiam de causa immittere: adeo recte quidam aërem, et victus rationem, potissimas morbi causas appellauit.

Gal. comment. in lib. de morb. vulg. & de ratione vict. in morb. ac.

Quibus ætatibus maximè molesta sit,
& quo anni tempore potissimum in-
uadat.

CAP. VI.

MORBI quidem omnes in omnibus Aph. sect. 3. aph. 19. fiunt temporibus, quidam verò magis in quibusdam ipsorum, & fiunt, & excitantur, ut ait Hippocrates: Sceletyrbe Vere potissimum, ac autumno accessiones suas facit, Vere quidem atra bile ex profundo corporis, & partibus principalioribus ad exteriores & ignobiliores lata. Sic Hippocrates, vere furores, atram bilem, & lepras accidere dicit: Autumno verò quod id temporis atra abundet bilis, quæ magnorum, ut diximus, lienum causa esse solet. Nam Hippocrates autumno febres quartanas, atq; erraticas, & magnos lienes, (ita enim τὸ σπλῆνις hîc interpretatur Galenus) fieri dixit. Solent tamē vernæ accessiones mitiores,

sect. aph. 3. aph. 20.

sect. aph. 3. aph. 22.

BALD. RONSSEVS

res, ac breuiores esse, autumnales longiores, & periculosiores, & quæ in vitæ discrimen ægrum interdum trahant. Aetatibus omnibus familiaris est, senili tamen grauior, quanquam consistentē frequentius infestet: pueris Stomacace frequens est, Sceletyrbe non item.

De vlcere Sceletyrbico. CAP. VII.



Vandoquidem, qui magnis vexantur lienibus, vlceribus, quæ difficulter cicatricem recipiunt, ex Hippocrate obnoxios diximus, malignorum vlcærum natura inquirenda est, vt ita tandem ad cognitionem Sceletyrbici deueniamus. Solet porro Galenus malignum vocare vlcus id, quo humor acris fertur, & vbi locus vlceratus vitiatu adeo est, vt quicquid recipit, corrumpat, vnde & nōdēs cauum appellat, vt quod ex corrosione natum est. Præterea, Hippocrates Vlcera maligna intelligere solet, per ea, quæ aut vinciri debent, aut inueterauerunt, aut exedunt, aut quæ alioqui serpunt, in quo albo, quod Sceletyrbica collocanda sint: nemo, vt opinor est, qui negare possit, præsertim, quod vlcera omnia, quæ ab atra nascuntur bile, periculosa vocare soleat Hippocrates: sic Dysenteriam, quæ ab atra bile fit, lethalem dicit in aphorismis, quod, vt in commento eiusdem loci docet Galenus, à Cancro vlcera to parum differat. Est etenim adeo pernitiōsa, atq;

Lib. 4.
Meth.

Lib. de
vicer.

Señ. aph.
4. ap. 29.

DE SCORBVTO.

17

atq; maligna melancholia (de ea loquor, quæ fla Gal. de
uæ bili vehementer affatæ originem suam tri= atra bile
buit) vt in terram compacta, fermenti more, & côm.
quodam quasi æstu efferuescens, eandem iactet, prædict.
et excutiat, et quæ parti alicui corporis sese
affigens, adhærensq; eandem corrodat, atq; ex=
ulceret, ac semper vltcrius serpat. Nos igitur,
quoniam paulò latiùs maligni vlceris nomen pa=
tere videbatur, Sceletyrbicum ad particularius
aliquod reducere conati sumus: Et quoniam chi=
roma, telephia, cancri, phagedenæ, ad maligna
referri solcât vlcera, deprehendimus tandem ea=
dem, quæ antiquis Telephia dicebantur, esse quæ
hodie Sceletyrbica vocamus. Nam quamuis Ga= Gal. lib. 2.
lenus, et Paulus ex Aegina medicus, Telephia cò & 14.
dicta dicant, quòd in tali vlcere Telephus conse= Thera.
nuerit, non obstat, quòd minùs eadem Sceletyr= Pau. lib. 4.
bica, et Telephia vocemus. Est enim verisimile, cap. 46.
Telephũ doloris, temporisq; pertæsum, omnem
mouisse lapidem, nullisq; pepercisse laboribus,
quò congruum aliquod medicamen reperiret, ac
tandem senio confectum reperta herba, quam si=
bi cognominem fecit, pristinam recuperasse sa=
nitatem. Est adhæc nimis quàm notum, Telephiũ
herbam, à Telepho esse inuentam: vocamus verò
Telephium eam, quam cochleariam appellat vul=
gus, quòd multis notis cum Dioscoridis descri= Dios. lib.
ptione conueniat, quanquam non desint, qui fa= 2. cap. 18.
bariam dictam esse contendunt. Est autem abster=
gendi, et detergendi facultate præditum Tele=
C phium,

BALD. RONSSEVS

Lib. 3.
simpl.

Lib. 28.
cap. 13.

phium, vt docet Galenus, & ad putrida conuenit vlcera, & Leucas & Alphos cum aceto abstergit. Plinius naturalis historiae libro, vulneribus & fistulis prodesse auctor est. Paulus Aegineta, vt alios omittam, vlceribus putredinem expertis vtile esse docet: & hodie multiplici experientia compertum est, non tantum assumptum, sed & foris applicitum Telephium, Sceletyrbicus plurimum prodesse. Ita, vt hinc certissima quadam coniectura constanter affirmemus, Sceletyrbicum vlcus idem esse, quod olim Telephium dictum est.

De Magnorum Lienum vniuersali curatione. CAP. VIII.

Lib. de
sang. mis.
cap. 2. &
Lib. 4. de
Sanit. tue.



QUANQVAM Galenus, tanquam lege quadam vetet, ei venam tunderet, cui sanguinis moles plurimum à qualitatē mediocritate recessit, aut si cui (si permistos humores conferamus) bonus ac purus sanguis paucus est, reliquus verò succus plurimus, quē admodū in lienosis, vbi diutius perseuerauerit malum, accidere videmus: tamē, quoniam in principio naturae ipsius ductu, sanguinē per nares profundi contingit, consultum prorsus fuerit, statim in initio, & ante omnia sanguinis missionem procurare, idq; quod omnes simul vitiosi humores expurgentur. Est enim talis sanguinis missio, vt docet Galenus, quae omnes humores

mores æquabiliter euacuet: nō enim quemadmo-
 dum purgatio, ita venæ sectio, vitiosum quempiā
 humorem seligit, ac detrahit. Detrahendus au-
 tem sanguis erit à venâ media brachij, quod è di-
 recto erit, quòd hæc, tum loci vicinitate, tum fi-
 brarum rectitudine, facilius, atq; ocysime cras-
 sum sanguinem è maioribus venis, atq; ipso potis-
 simum liene euacuabit. Si tamen melancholicus
 hic sanguis ad coxas iam defluxerit, omninò sua-
 serim venam poplitis, aut malleoli tundere, vt ma-
 teriam ibi quodammodo fixam euacuemus: si qui-
 dem, etsi sanguinis missio, quæ per venam nigram
 obitur, nonnullis sufficienter, vel ex ipsis cruri-
 bus attrahere posse videatur, hoc certū est, pro-
 pter distantiam loci reuelli potius, atq; aliò trās-
 ferri, quàm è corpore euacuari, quòd & ipse Ga-
 lenus multis passim argumentis conuincit. San-
 guine, prout vires, & morbi ratio fert, euacua-
 to, non fuerit inconsultum, hoc, aut simili aliquo
 decocto materiā fluidam reddere, quod recipit,
 corticum radicū capparis, fraxini, singulorum
 drach. ij. seminū anisi, feniculi, singulorū drach.
 β. quatuor seminū frigidorū maio. singul. drach. j.
 herbe Britanice cū radicibus manip. j. et alterius
 dimidiū, telephij, nasturtij aquatici, absinthij v-
 triusque, vulgaris dico & pontici, chamedrios,
 teucrij, sing. manip. j. quinq; generum mirobala-
 norum sing. drach. j. asari, thymi, epithymi, sing.
 pugil. j. florū genestæ, manip. dimidiū. sennæ Ale-
 xand. vnc. β. facta omnium decoctione, prout ars

Lib. de
 rat. vict.
 com. ii.

BALD. RONSSEVS

exigit, in aquæ sufficienti quantitate ad lib. vñā,
 & vñc. iij. patienti matutino & pomeridiano
 tempore, colaturæ eiusdē propinabimus ad vñc.
 iij. Si tamen hoc alicui, tanquā nimis laborio-
 sum, ac varium, suspectum fuerit, poterit solius
 telephij, chamedrios, & absinthij decocto, rem
 experiri: solent enim medicamēta, quò simplicio-
 ra sunt, eò efficacius vim suam, atq; energiam ex-
 erere. Præparata materia, à mitioribus medica-
 mentis incipiendum censeo: solet etenim in initio
 melancholicus humor respuere acria, vehemen-
 tiaq; medicamenta, atq; iisdem quodammodo ir-
 ritari, exacerbariq;. Sumendæ igitur erunt medi-
 camenti Diasennæ drach. vj. aut vij. aut prout pa-
 tiens ferendo est. Deinde vbi morbus paululum
 inclinauerit, tutò ad vehementiora transeundum
 est, obseruata hypothesi, quæ à robore virium
 sumitur: sumendum igitur est dilutum, aut infu-
 sum rhabarbari, & agarici in pastillos redacti, cū
 drachm. j. aut ij. diasennæ, aut antidoti Hamech.
 Proderit deinceps vsum fuisse eclegmate, quod
 recipit, myrobalanorum conditarum vñc. j. con-
 seruæ florum genistæ, vñc. β. seruæ telephij,
 vñc. j. β. radicum buglossi conditarum drach. 61.
 Specierum letificantis Galeni, scrup. ij. plerisar-
 cōticæ, diacapparidis, singul. drach. β. serapij de fu-
 maria, de pomis, de epithymo, singul. par pōdus,
 misceantur, & fiat conditum liquidum. Qui vo-
 mitum proritant ex oxymelite, cū raphani suc-
 co, aut aliquo simili, etsi multis experimentis cō-
 pro-

probatum dicant, neque nihil, neq; omnia facere videtur. Nam si tenacius impactus sit humor, vix subsequetur, ac nisi cum maxima virium iactura expurgabitur: sin quodammodo fluctuet, atq; supernatet, non prorsus spe sua frustrantur, atque partem aliquam morbi demunt. Atq; hæc hæc nunc ad victus rationem deueniendū est: hæc etenim in propulsandis, & generandis morbis, nō parū affert momenti. Nam, vt ait Diogemianus, *ἐν τοῦτω γὰρ νοσούμεν, οἷς καὶ ἴσμεν.* Esto igitur incidens omnino, atq; attenuans victus ratio: abstinentum ab anatibus, oloribus, aquaticisq; omnibus volucribus, suilla item carne (demptis petiolis, seu ungulis, rostro, & auribus) fumo assatis carnibus, bubulisq; omnibus, si nimio sale imbutæ sint. Nam iuueniorū carnes, si modico sale aspersæ fuerint, atq; ostiduum, aut paulo amplius concoquantur, palato gratiores reddentur, & laudabilioris succi: & quod de iuueniorum carne dico, idem de Veruecina pronuntiandum censeo: Gal. de ma. & bo. nam excrementitia eius humiditas, ni sale, aut a succ. & de lio quopiam condimento exugatur, concoctioni ali. facult. prorsus aduersabitur, & non omnino probi succi erit. Potus esto vinum, aut chamedrite (hoc enim Spleneticis plurimum prodesse comperimus, nam Scirrhusos eiusdem tumores discutit) aut Absinthite, alternis tamen vicibus, aut diebus, ce reuisiam tenuem absinthiten degustasse, admodum vtile erit: ita enim vberior sanguinis adu- stio, aut assatio præpedietur. Si coxas, aut tibias

BALD. RONSSEVS

Lib. 2.
Cap. 13.

Extra exulcerationem malum apprehenderit, sua
serim molli primum frictione uti: nō est enim me-
dicamen in eiusmodi affectibus presentius ali-
quod: nam & maturat, & rarefacit, & digerit,
& euaporare facit noxios humores: atque ob id
Celsus, amat verò, inquit, hoc auxilium valetudo
longa, & iam à primo impetu inclinata. Post fri-
ctionem summe commēdarim, modice euocantia,
& emollientia applicare: nam crassa omnia pin-
guia, quod obstruant, suspecta sunt. Si tamē ner-
uorum rigor in gēubus aut tibijs sentiatur, non
fuerit inutile, pingui illa mucagine decoctionis
pedum bubulorum, post frictiones affectum lo-
cum inunxisse: nihil enim affectis, contractis, aut
rigentibus nervis æquē conuenit. Proderit etiam
frequens mundarum, tersarumq; fasciarum reite-
ratio.

De cura Vlceris Sceletyrbici. CAP IX.



Vi Sceletyrbicum vlcus curare age-
gredietur, primum, & ante omnia
videre debet, num qua intemperies
vlceri coniuncta sit, aut si alterius
cuiuspiam particule occasione ingrauescere, at-
que exacerbari soleat: frustra siquidem conglu-
tinationē Vlceris aggrediemur, si caro, quæ sub-
iecta est, intemperata est: quò fit, vt Galenus di-
cat, vbi intemperiei affectum iam sanaueris, dein
de

4. Meth.

de etiam exulcerationis affectum sanabis, nō aliter planē nunc curata intemperie, quā si citra vlcus incidisset. Quō manifestum sit, non esse vlceris, sed intemperiei propriam omnem eiusmodi curationem. Ad eundem modum, si, aut alterius cuiuslibet particula occasione, aut etiam totius corporis, cū in eo sanguis malie succi abundat, vitiosum aliquid vlceratis partibus influxerit, medendum prius est, vel ei, quod fluxionis est causa, vel etiam toti corpori: ita etiam & varices, qui sēpe supra exulceratum locū sunt, prius sanabimus, vt deinde mox vlcus sanemus: etiam, qui ex liene, aut alia quauis notabili parte laborant, ipsa prius parte percurata, mox ad vlceris curationem progrediemur. Sic quoq; Hippocra-
 tes in diuturnis & malignis vlceribus, id agendum dicit, vt sanguis crebrō, tam ab ipsis, quā à partibus adiunctis effundatur, probatq; potissimum huiusmodi medicinam, quoties vlcus in crure versatur, vel in digito pedis, vel manus, quod hæ videlicet particula subiecta sint, & ab alijs dependant, ac proinde promptē materiam concurrentem recipiant. Sic deniq; Aëtius Amidenus adolescenti cuidam diuturnum vlcus ad radicem manus habenti, venam ad vlcus supernè al-

Lib. de
vicer.

Tetra. 4.
ser. 2. cap.
40.

BALD. RONSSEVS

Lib. 4.
method.

Lib. 4.
Meth.

Lib. de
vicer.

Sanguinis missione, deinde expurgato corpore,
intemperiem totius corporis sanare tentabis: si-
quidem, quando caua ferē, vti diximus, sint vlce-
ra hæc, nec glutinari, nec carne impleri poterūt,
nisi caro, quæ subiecta est, temperata prorsus sit,
sicuti docet Galenus, quod vbi effectum est, vi-
dendum restat, num varices vsquam circa vlce-
raturum locum sese exerant: conuenit enim eosdem
statim excindere. Præterea circumspiciendum
est, num pars affecta iusto imbecillior sit, ita vt
quemuis etiam succū (vtpote qui nec multo plus
iusto, nec deterior multo sit) ad sese recipiat: hūc
siquidem auerti regeriq; conuenit, inquit Gale-
nus, astrictis scilicet, refrigeratisq; ijs partibus,
quæ ante exulceratā sinit. Inchoanda quoq; de-
ligatio est ab ipsa laborante particula, deducen-
daq; versus sanā. Quod si vlceris labra callo ob-
ducta sint, eadem circuncidenda sunt. In summa,
quicquid aliquo modo conglutinationem præpe-
dire potest, antequam curationem vlceris aggre-
diamur, amoliendum est, ac statim curandum est,
vt pars affecta eā siccitatem consequatur, quā in
naturali statu sita possidebat. Nā neq; Hippocra-
tes Vlceribus emplastra induci vult, prius quā
Vlcus exquisitē siccatum sit: si etenim madeat,
impositi emplastra vis obtundetur, & concluso
ac retento humore, non mediocriter offendetur
vlcus. Vlceris igitur omnis, qua vlcus est, sanatio,
mediocris siccatio est, cauum etiam carne imple-
ri postulat. Siccant autem modicē, terra Sigillata
dicta,

dicta, Cadmia: his valentior est Chalcitis lota, & Aerugo vsta. Myfi, Sori, & Chalcitin Galenus cognata inter se appellat, & ex una tanquam ra dice producta, tenuius tamen apparet Myfi, ac minus mordax, ac vr̄es, crassius sori est, & vtroque siccatur imbecillius: verum hæc hominum incuria multis iam seculis delituerunt, & per paucis hodie cognita sunt. Stimmi, quod Antimonium vocant Arabes, desiccatur, & astringit intense, unde & excrescentias in carne cohibet, & vlcerum ad cicatricem perducit. Aluminis omnes, quotquot sunt differentie, vt auctor est Galenus, vlcerum siccant, verum cum generose astringant, ne mo ijs solis ad vlcerum curanda vtitur: siccari enim & abstergeri postulat Vlcus cavitas, non autem astringi. Sed & neq; iam dictis omnibus Metallis, quisquam vtetur solis, sed pro loci vlcusq; ratione attemperabit. Medicamenta igitur, quæ huiusmodi Vlcibus conueniunt, necesse est, vt facultate simul digerente, & astringentia polleant, vt ita quod influit repellant, & quod parati affectu inhaerent, discutiant: non sunt enim exacerbanda, exasperandaue vlcerum hæc, sed citra vllam, quoad fieri potest, mordicationem, & dolorem attrectanda. Aggressus iam curationem, cum primum Vlcus solueris, vt post Galenum docet Aëtius, considerabis, quantum humiditatis primum Pharmacum ab Vlcere desiccavit, aut, si sordidum fuerit, quantum sordium deterferit, idq; tertium aut quartum experiendum est, donec purum Vlcus erit,

De simpl.
med. fac.
Lib. 9. &
lib. 4. de
Comp.
med. per
genera.

Dios. lib.
5. cap. 49.

Lib. de
cōp. med.
secun. ge-
nera.

Gal. lib. 3.
Meth.
Lege Ioā-
nem Ta-
gaultium
Lib. 3.
cap. 15.

Gal. de
cōp. med.
per gene-
re.

Aëtius
Tetra. 4.
ser. 2. cap.

BALD. RONSSEVS

Lib. 4.
Fen. 4.
Tra& 3.
cap. 10.
Io. Tag.
lib. 3.
cap. 15.

Lib. med.
secun. ge
nera.

de siccum apparuerit, quod ubi animaduuerteris,
ad aliud quidem medicamentum eiusdem quidem
generis cum priore, sed debilius te conuertes,
quod fortiora dolores, ac morsum vlceribus re-
purgatis inferre soleant, atque ex puris sordida
nonnunquam efficere. Commendatur autem po-
tissimum à nostri tēporis Chirurgis, formulam me-
dicamenti Auicennæ ascripti, quam Ioannes Ta-
gaultius hoc modo describit. R̄. Cadmiæ, Alu-
minis, Chrysocolle, hoc est, Glutini auri, singul.
partes octo, Aeris floris, qui sponte ex ære pro-
silit, & corticis Aeris, hoc est eruginis, quæ in
officinis viride æris nominatur, vstorum, singul.
partem vnā, Gummi cupressi partes quatuor,
Cere, olei Rosacei, singul. quod satis esse vide-
bitur, fiat vnguentum. Galenus, ad Asclepiadem
relatum medicamen hoc, non inefficacius descri-
bit, quod habet, Aeris squammæ, Aeruginis ra-
se vtriusq; pondo vnciam. j. Cere selibram, Resi-
næ laricis pondo vnc. β. Ea quæ liquari debent
aridis affuuduntur, quibus exceptis, ac curiosè
mollitis vtitor. Item Platysma exiguum soli affe-
ctæ parti, vt Vlcus tantum comprehendat, injici-
to. Ceterum ambientes partes Pharmaco, quod
Phlegmonem arceat, circumdare oportet, atque
inter curandum tertio quoq; die soluere expe-
dit, deinde fomentis mitigare, ipsumq; empla-
strum, quod à latitudine πλασµα vocatur, ab-
luendo emollire, ac rursus imponere, donec cicat-
ricem recipiat. Quod si ne sic quidem successerit,

rit, cōfugiendū erit ad emplastrū illud admiran-
 dum Aëtij & Galeni, quod emplastrum ē Sori
 vocat, cicatricem inducens, deploratis vlceribus
 opitulans, aut ad emplastrum à Paulo Aegineta
 descriptum ad Chironia conueniens: recipit au-
 tem, Cerussæ vnc. viij. Aluminis scissilis vnc. ij.
 squammæ æris vnc. ij. Salis ammoniaci, Thuris,
 Aeruginis rase, corticum malorum Granato-
 rum, vniuscuiusq; vnc. ij. Calcis viuæ. vnc. j. Cere
 lib. j. olei Myrthei lib. j. β. arida vino dissolue.
 hoc medicamentum inquit, protinus ab initio cal-
 lum exscindit, & reconditum seruatur. Deinde
 in vsu emollitum Myrtheo, cicatricem inducit.
 Poterit verò quiuis ad corporis, quod curandum
 suscipit, conditionem, & temperiem, actionem
 suam dirigere, atq; modò intendere, modò remit-
 tere aliquantulum: nos exemplis his contenti, ne
 in longum excurret oratio, lectorem ad Galenū.
 Paulum atq; Aëtium relegamus, apud quos vber-
 rimam, medicamentorum sylvulam reperiet, illud
 adiecisse contenti: quod si cui simplicia experiri
 in animo sit, non fuerit inconsultum, succum Te-
 lephij cum mellis paxillo in modum vnguenti vl-
 ceratis partibus applicuisse, quibus si Cadmiam
 in pollinem redactam adijcias, cum modico mali-
 terre, quam aristolochiam rotundam vocāt, atq;
 cere sufficienti portione, medicamentum, quod
 caua repleat, sordes expurget, & excrescentem
 carnem compescat, ac tandem ad cicatricem per-
 ducat, effeceris. Aëtius, ad maligna tiliarum vl-

Tetr. 4.

ser. 2.

cap. 44.

Lib. 4.

cap. 46.

CERA

BALD. RONSSEVS

cera experimēto cognitum, Lupinos, inquit, aris
dos vstos, tritos largē inſpergito, & Hapſum la-
næ ex vino expreſſum, ſuperligato, hoc repura-
gat, incarnat, & ad cicatricem perducit.

Ad Oris Vlceræ. CAP. X.

Lib. 25.
cap. 5.



PLINIVS Naturalis hiftoriæ libro,
Oris vlceribus remedio eſſe dicit,
herbam Britannicam, neq; id iniuria:
nam & Dioſcorides depaſcentibus

Lib. 5.
cap. 2.
Lib. 6.
ſimpl.
med.

Oris, & tonſillarum vlceribus, Britannicam her-
bam priuatim accommodatam dicit: Et Galenus
Vulnerum conglutinatoria Britannicæ folia re-
fert, atq; ex his expreſſum ſuccum reſeruari ait,
tanquàm ad Stomatica medicamenta efficacissi-
mum: nam & putreſcentia iam, inquit, quodam-
modò ſanare videtur. Si tamen humidiora eſſe
contingat Vlceræ, ijs, quæ valentiùs ſiccent, opus
erit: nam, vt auctor eſt Galenus, Vlcerum, quæ in
ore accidunt, quæcunq; ſunt admodum humida, ea
medicamentis egent, quæ vehemēter ſiccent, ve-
luti Diphryge, tum ipſo per ſe, tum ex melle, &
vino & mulſo: prætereà ea, quæ Iris dicitur, aut
quæ Anthera, hiſq; vel ſiccis, vel ex melle, vel
vino, vel mulſo. Vtile verò eſt ad talia, & Mu-
ſæ medicamen, & Rhois ſuccus, & Omphacium,
aliaq; quæcunq; ſtrenuè ſiccant, veluti hæc ipſa,
quæ, quod in aſiduo ſint vſu, ſτοματικά Græcè
ſunt dicta. Quare nō admodum conſultè mihi fa-
cere

Lib. 5.
Meth.

cere videtur, qui ad Oris vlcera hæc, cepæ decocto, quam Becabungam vocant, vtuntur: siquidem etsi modicè astringat, humidior est, quam vt Vlceribus Oris aliquo modo prodesse possit. Rectius certè fecerint si ad oris collutiones hoc, aut simili Gargarismate vsi fuerint. Recipit autem, Bistortæ cum radicibus, Tormētillæ cum radicibus, sing. manip. duos. Malicorij vnc. ij. Rhois obsoniorum vnc. j. decocta in aquæ pluuiæ lib. duab. ad lib. vnam, colo transfundantur, colaturæq; addantur, Aluminis scissilis drach. ij. Mellis optimi vnc. ij. Scripsit mihi doctissimus vir, D. Ioannes Vvierus Illustrissimi Cliuæ Ducis &c. Medicus, non esse ad hanc rem præstantius remedium aliquod, quam collutionem præparatam ex corticibus & folijs Oxyacanthæ vulgaris, & Rosæ integris nondum maturis, in aqua Chalybeata coctis: atq; idem præstare asserit Oliuæ folia, cum Stillaticio plantaginis liquore contusa. Quod si superexcrescere carnem contingat, eandem scalpro, aut vulsella eximere conueniet, atq; frequenter os colluere, & interdum hoc, aut simili aliquo medicamento affectas partes illimere, quod recipit, succorum Telephij, Britanica, aut Tormentillæ, singulorum vnc. ij. Mellis optimi vnc. iiij. Aluminis vnc. β. Cadmiæ scrupul. iiij. Lemnij sigilli scrup. ij. conterenda conterantur, & sicuti ars est, in modum eclegmatis crassioris consistentiæ decoquantur. Si tamen hoc alicui, propter Aluminis, & Cadmiæ quantitatem vehemē-

tius

BALD. RONSSEVS

tius videatur, poterit aut imminuere nonnihil,
aut Cadmiam abluere in Stillaticio plantaginis
liquore. At si venæ eæ, quæ aut sub lingua subsi-
stunt, aut quæ in labijs sunt, extuberent, atq; in-
tumescent, eadem post vniuersalem purgationē
non inconsultò tudentur: quoniam & id quoq; pro-
curandum est, vt ex Gingiuis atri illius sanguinis
fluor sollicitetur: siquidem nisi id fiat, sicuti præ-
cedente capite diximus, vlceris conglutinationē
nem præpediet. Dentibus autem vacillantibus,
optimum est oleum vitrioli.

De Prophylactice.

CAP. XI.

SOLET morbus hic, si semel inuase-
rit, singulis ferè annis recurrere: quò
fit, vt eò dirigenda sit omnis nostra
actio, vt quoad fieri potest, imminē-
tem, ac quodammodo instantem iam propulse-
mus, quod Plinius Naturalis historiae libro csi
florum Britannicæ præstari posse, existimat: flo-
rem, inquit, Vibones vocant, qui collectus prius
quàm tonitrua audiantur, & deuoratus, securos
omnino reddit. Superstitiosa prorsus curatio,
quemadmodum et illa, quam de Hirundinum pul-
lis scribit, qui si edantur, toto anno edentes ab
Angina securos reddunt. Mihi certè tutius vi-
detur ineunte Vere venam tundere, atq; leuius-
culo aliquo Cathartico atram bilem ducere: nam
Galenus, hominibus ipsa experientia compertum
esse

Lib. 25.
cap. 3.

Lib. 30.
cap. 4.

Com. 13.
Aph.
sect. 1.

esse dicit, non in seipsis tantum, sed & in iuven-
tis, si ante æstatis initium, circa ultimam Veris
partem, sanguinem detrahant, à morbis quibus ca-
pi solebant, securos futuros. Incidenda verò erit
aut vena media, quam nigram vocant, aut popli-
tis, idq; si varices, aut in coxis, aut tibijs appa-
reant. Proderit ad hæc, sicuti ante diximus, vi-
tus ratione congrua uti, atque abstinere ab his,
quæ succi melancholici causa esse possunt. Ad
sanitatis namq; conseruationem, & morbi effu-
gium, plurimum referre, quo quisq; cibo, aut po-
tu utatur, Iulius Cæsar de Bello ciuili testatur,
ut interim Galenum omittam. Cauendum igitur De bo. &
est à carnibus Bubulis: macie strigosis, aut senio malo suc.
confectis, aut sale nimio quodammodo exuccis:
siquidem Galenus omnibus, qui temperamento De alim.
naturali melancholici fuerunt, Bubulas carnes fac. 3.
suspectas habet, si largius sumantur, quod cras-
siorem sanguinem, quam conueniat, generent, &
affectus melancholicos procreare soleant, inter
quos & Lienis tumores comprehendit. In eodem
albo recensetur porcina caro, quæ veteris victi-
mæ etatem sit assecuta: nam alioqui Hippocra- Lib. 4. re-
tes, Suillis inquit, carnibus, nullæ aliæ meliores gi. acut.
sunt, idq; si non admodum pingues, neque etiam
pertenuēs sint, ac neque veteris victimæ etatē Lib. 1. ad
sint assecutæ: & Galenus easdem exquisita ter- Glauc.
tiana laborantibus exhibere non veretur. Volu- & lib. 7.
eres omnes fluuiatiles melācholico humori præ- Meth.
bent fomitem: at quicquid in quotidianum vsum
fumo

BALD. RONSSEVS

fumo asseruatur, cane peius & angue fugiendum est: nam præterquam, quod duræ est concoctionis, si quod aliud, atro succo materiam præbet. Contulerit certè, si quid aliud, bibisse cereuisiã, aut vinum *ολκιστος* Absinthite: noui enim, qui huius solius usu, non solum ingruentem depulerint morbum, sed & iam factum, prorsus persanauerint. Victus ratio esto eiusmodi, quæ, quantum eius fieri potest, boni sit succi, & facilis concoctionis. Bubulæ igitur carnes, quoniam familiares nobis longa consuetudine redditæ sunt, si bene habitorum iuuentorum sint, easdem ad dies aliquot modico sale aspergi curabimus ante decoctionem: ita enim & gratioris saporis, & facilioris concoctionis, & probioris succi reddentur. Ouillæ, quoniam excrementitiæ sunt, atque succi nõ omnino laudabilis, eadẽ conditura præparandæ sunt: exugit enim Sal excrementitiã illam humiditatem, & concoctioni quodammodo præparat. Aër, in quo versamur, serenus prorsus sit, aut ab austrino flatu liber. Domus etiam sicca sit: solet siquidem morbus hic exacerbari frigida, humidaq; murorum exhalatione. Sub autumnum autem multò maiore cura, quàm ineunte Vere, opus esse iudico, quod præcedens æstas humores assauerit, quare & tunc quoq; si vires, ætas, atq; corporis constitutio permiserint, vena aperienda erit, atq; humor melancholicus ducendus: efferuescensq; illa bilis hoc, aut simili decocto compefcenda erit, quod recipit, seminum quatuor
fri

DE SCORBUTO.

23

frigidorum maiorum singul. drach. j. Cichorii cū
toto, Buglosi cum radicibus singul. manip j.ß.
Scolopendrij, Fumariæ, Cassuthæ, capillorū Ve-
neris, Teucrij, Chamedreos, singul. manip j. Flo-
rū Buglosi, Boraginis, Genistæ, sing. pug. j. Rha-
barbari optimi in nodulo ligati drach. j. Sennæ
Alexandrinæ vnc. j. fiat omnium decoctio in iu-
sta quantitate aquæ, sicuti ars est, ad lib. j. in cu-
ius colatura dissoluito, Serapij de pomis, de Epi-
thymo sing. vnc. ij. sumat autem singulis vicibus
vnc. iiij. Ceterum, quoniam frequentius hîc her-
bæ Britannicæ, quæ nondum prorsus innotuit,
mentionem facio, Lectorem monitum volumus,
nos eius loco bistortam vsurpasse: hæc enim Bri-
tannicæ facultatibus planè respondet. nam &
vim habet astringentem, priuatim ad ea, quæ in
ore, & tonsillis sunt, depascentia vlcera, accõ-
modatam, quemadmodum & de Britannica scri-
ptum reliquit Dioscorides. Præterea radices Lib. 4.
eiusdem vulneribus glutinandis vtilis sunt, Dy- cap. 2.
senteriam sanant, vomitum biliosum reprimunt,
& foetum in utero retinere dicuntur: in summa,
ad omnia alia, quibus astrictione opus est, utilis
censetur, quemadmodum post me multi certissi-
mis experimentis compererunt: sunt enim qui
huius solius vsus sicuti & de Britannica scribit
Plinius, à Stomacace securos fieri existimant.
Verum, quoniã doctissimus Medicus D. Ioannes
wicus nobis scriptum quoddam communicavit,
in quo Stomacaces caussas signa, Symptomata

D

brenia

BALD. RONS. DE SCORB.

breuiter non minus, quàm dilucide perstrinxit,
etsi ideo ad nos transcriptum non sit, vt in pu-
blicum emitteretur, visum fuit id, tanquàm Co-
lophonem, opusculo nostro subnectere, vt vi-
deant studiosi, qua Methodo, ac ratione, vir ille
ad admirationem doctus, in incognitis, & nouis
(si fas est dicere) morbis vtatur, ac tandem eius
exemplo discant curationes ad certum aliquem
scopum dirigere. Spero interim eum, vt est can-
didus prorsus, nobis condonaturum, quòd eius
humanitate ac lenitate abusus fuerim, neq;
grauatè laturum, quòd præter opi-
nionem diuulgari curarim.

25

IOANNIS VVIERI
DE SCORBUTO,
SIVE SCORBTICA PASSIO-
NE, EPITOME.



CORBUTVS est morbus Chroni-
cus, ex natura humoris melancholia-
ci, cuius color in cute efflorescit.

Scorbutus est morbus Splenis, alia-
quando obstructi, aliquando intemperati, ali-
quando cum incipiente Scirrho, qui præpedit
eius attractionem, ac consuetam atrabilaria re-
dundantiæ sequestrationem ex hepate venisq;
eoq; humore vniuersum corpus vitiat, sed pe-
culiariter crassiore fœculentia crura contami-
nat, atq; euaporante acredine gingiuas inficit.

Scorbutus est morbus Chronicus, non sim-
plex, sed ex pluribus compositus, ex quibus ali-
qui morbi tantum, aliqui morbi simul & causse
rationem obtinent. Primò, adest morbus in con-
formatione, vel obstructione Lienis, hinc præ-
cordiorum angustia. Secundò, adest morbus in
numero, videlicet multitudo humoris melācho-
lici in venis portæ, per quas lien materiam me-
lancholicam solitus erat attrahere, & sic per
consequens depurare sanguinem: et etiam in ve-
nis, per quas ex Liene in ventriculum melancho-
lia transmittitur. Hic morbus nascitur ex priore

D 2 mora

IOANN. VII.

morbo, veluti ex causa, aut etiam contra: quia potuit utrumq; fieri, vel ut primò sola crassitie peccans Lienem obstruxerit, deinde impedita eius visceris attractione: sui copiam in præcordijs ac meseraicis auxerit, vel contrà, ut primò copia sui in venis ac præcipuè portæ redundarit, deinde lienem obstruxerit.

I. Angustia præcordiorum, ob retentum humorem melancholicū in venis portæ. Est autē hoc symptoma operationis respiratricis læsæ.

Ex hoc autē morbo sequitur symptomata, videlicet

II. Expultrix deprauata, quippe cū sanguine fertur humor per corpus totū, qui à Liene attractus, partim ipsum nutrire, partim in ventriculū effusus, per ipsum euacuari debebat.

III. Qualitas mutata, quæ nascitur ex proximo Symptomate, videlicet color faciei ex pallido fuscus, qui in reliquo etiam corpore efflorescit, & rubedo Ginguarum pruriginosa, ac dolor.

IIII. Crurum debilitas, quod est Symptoma operationis læsæ, vel animalis, vel naturalis, vel utriusq;.

Tertiò, adest intemperies inæqualis, quæ sicuti ex humore melancholico diutius præcordia

dia obsidente gignitur, ita reciprocatione quada-
dam eum humorem assidue gignit, id est, intem-
peries ista inequalis morbus est similis, ex
precedente morbo, partim factus, partim fiens.

Hi tres morbi sunt in principio Scorbuticæ
passionis, quæ tum ex inscitia curantis, vel æ-
groti negligentia, ad augmentum, vel statum per-
uenire potest, & tunc ei etiam sequentes morbi
in augmento vel statu superueniunt.

Quartò, adest solutio cōtinui, videlicet Vlu-
cus gingiuarum, quod nascitur ex Symptomate
gingiuarum modo dicto, id est, in Symptomati-
bus secundi morbi, videlicet ex rubedine pruri-
ginosa, ac dolore Gingiuarum.

Quintò, crurum magnitudo modò aucta, mo-
dò diminuta. Et hic etiam morbus est in confor-
matione, quem animalis operatio, scilicet motus
crurum ablata, vel tantum læsa comitatur: nem-
pe in nervis, tendonibus, ac musculis tanta ma-
teria imbibita, vt vel facultati animali transitus
intercludatur, vel membra illa ad motum inha-
bilia propter humorem, etiamsi facultas prædi-
cta transeat, reddantur.

Ego certè pro mea obseruatione dicerem,
Scorbutum fieri non solum ex duritie, aut Scir-
rho, aut etiam intemperie Lienis, aut fortè etiā
hepatis excessiua ipsum viscus debilitante, &
per consequens eius facultatem, & operationē
ledēte, sed etiam ex corrupto, vel etiam putre-
facto sanguine circa viscera, tum Hepatis, tum

IOANN. VIIIE.

Lienis aut vicina loca contento: certè si sanguis est putrefactus & corruptus, & fortè ipsum corpus hepatis aut Lienis, faciet haud dubiè ambulandi impotentiam, & dispneam, immò etiam aliquoties syncopen, non minùs quàm in vero Scorbuto. Nam si Grumus sanguinis lipopsychiam & colorem fœdum, & pulsum paruum, obscurum, & frequentem adfert, testè Galeno lib. 6. de Locis aff. cap. 3. quantò magis sanguis corruptus in viscere aliquo, & eodem etià fortè putrefacto. Quomodo verò Scorbutica passio superuenit hominibus irregulariter & gulose viuentibus, præsertim praua & corrupta, atq; etiam putrida victus ratione vtentibus, vt est videre in prima caussarum procatarticarũ, non mirum si in talibus hominibus corrumpatur, aut etiam putrescat sanguis, quàm corruptione sequitur præcordiorum angustia, & leui ex momento Lipopsychia, nec tamè necessum est semper sequi maculas in cruribus, relaxationem Gingiuarum in ore. Vt vt sit, siue rectè sentiam, siue secus, quæstione tamen dignum inter Medicos censeo, an ex praua & putrida victus ratione (vnde plerunq; hic morbus eiq; consimilis quiuis alius affectus originem trahit) possit corrumpi, atque adeò etiam putrescere sanguis, vel læsis visceribus, vel etiam illæsis. Item si concedatur talem sanguinis putredinem esse, quod genus morbi constituat, apud Veteres nomenclaturā aliquam habens. Item an talis putredo.

credo citra febre[m] subsistere possit. Ratio dubitandi est, quando hic morbus plerunq[ue] conspicitur sine febre sensibili. Porro putredinem etiã frigidam videmus fieri in locis cœnosis frigidis, vbi bufones & similia generatur. Quod si quis instet, hoc tamen non fieri citra calorem, nos cõtrà negamus illum calorem excessiuum atq[ue] adeo febrilem esse: Nam de formali eius corruptione, vix puto scientiam haberi posse, nisi quod in genere putridam, aut saltem corruptam atri humoris speciem præ se ferat aliquam.

De varia & multiplici nomenclatura huiusce passionis, & quid sit apud veteres.

SCORBVTVS dicitur à Schorabuck, quæ dictio (sicuti mihi refertur) est vox Danica, sed à Saxonibus etiam vsurpata.

Gingipedium quibusdam ficto nomine dicitur, à Gingiuis & pedibus corrupto sanguine infectis, eoq[ue] sanguinis mundificatiua rectè ad curandi rationem exhiberi.

Stomacace & Sceletyrbe veterum videtur esse Scorbutus: scripserunt autem de Stomacace & Sceletyrbe Plinius lib. 25. cap. 3. & Strabo lib. 16 suæ Geographiæ: Græcorum tamen, & Arabum regioni ignotus hic morbus fuisse videtur, quia Pliniana appellatione nusquam vtun-

IOANN. VIIIE.

tur, nemoq; vnus vni morbo signa, quæ Scorbuto adsunt, attribuit. Sceletyrbe autem, quæ depingitur ab auctore definitionum Medicarum, diuersum omnino est malum ab affectibus crurum, qui in Scorbuto visuntur.

Apud Auicennam Can. 3. Fen. 15. Tractat. 2. cap. 5. vbi de signis apostematum splenis differit, est inuenire congeriem Symptomatum, quæ in Scorbuto visuntur.

Aegineta quoq; libro 3. cap. 49. easdem Scirrhî Splenis notas ponit in hæc verba. Hoc presens vitio os foetet, Gingiuae exeduntur, vlcera in cruribus cicatricem non recipiunt.

Alexander Trallianus similia ferè de Phlegmone ex atrabile prodidit lib. 3. cap. 23. Ictericam nigram minimè credimus: quia nusquam Ictericæ nigræ Scorbuto familiaria Symptomata attribuuntur, & Ictericorum nigrorum neamo, nec in ore, nec in pedibus affligitur, posset tamen Scorbuto aliquando superuenire.

De Causis Scorbuti.



AVSSAE procatarctica.

Prima Dieta grossa & corrupta, vt in nauibus Hollandorum & Phrisiorum: vsus aquarum corruptarum in aquarum dulcium penuria, præsertim in aëre calido, quo citissimè aquæ corrumpi possunt: Item caro suilla, à coctura etiam subolida,
laræ

lardum rancidum, caro Venatica putida, pisces
grossæ substantiæ, panis biscoctus aliquando
submucidus, allia, cereuisia mali succi procrea-
tiua, carnes, vel pisces, vel quæcunq; alia fumo
indurata, & sale diu conseruata, & id genus re-
liqua.

Secunda aër ambiens cali-
dus sanguinis partes subtilio-
res resoluens, reliquam sangui-
nis massam crassio rem relin-
quens.

Tertia, vigiliæ.

Quarta, labores.

Quinta, curæ.

Sexta febres præcedentes:
quia, vt inquit Galenus, sunt
nonnulli, qui per febriles mor-
bos melancholicum humorem
contraxerunt. lib. 3. de Loc. af-
fect. cap. 6.

Hæc possunt
generare hu-
morem melan-
cholicum, caus-
sam videlicet
proegoume-
nā huius mor-
bi, etiā si præ-
ua victus ra-
tio non præ-
cesserit.

Causæ Proegoumenæ & Coniunctæ.

PRIMVS morbus assignatus fuit
obstructio lienis: huius causæ proe-
goumena est, vel antecedens. primò
Hepar copiose generans humorem
melancholicum. secundò humor me-
lancholicus in meseraicis præcordijsq; redun-
dans.

D 5

Causæ

IOANN. VIIIE.

Causa continens est idem humor melancholicus Lieniam infarctus, vel copia, vel crassitie sua obstructionem ipsi visceri afferens.

Secundus morbus assignatus fuit multitudo humoris melancholici. huius causa Proegoumena & continens est, primò Hepar generans humorem melancholicū, secūdò obstructio Lienis.

Tertius morbus assignatus fuit intemperies inæqualis, quæ, si fuerit sine febre, causam principem & continentem habet frigidam & siccā, si verò cum febre, calidum seu adustionis participem, & siccam.

Quartus morbus assignatus fuit Gingiuarum vlcus: huius causa Proegoumena & continens est acrior subtiliorq; materie peccantis portio, quæ vel à natura Criticante, vt sic dicam, vel à calore sursum sublata, loca tenera humidaq; facilius arrodit.

Quintus morbus assignatus fuit crurum mala dispositio: huius causa Proegoumena & continens est humor melancholicus crassus, magnitudinem augēs, & motum impediens, vnde crura maculosa ita intumescunt, vt Elephantiasin Arabum quispiam esse opinetur: huiusmodi autem magnitudo aucta causam habet intemperiem crurum ex humore præseente factam, & fientem inuicem.

Item antecedentem habet causam ex superiorum intemperie, & humorum multitudine: Magnitudo verò crurum diminuta, causam habet

bet atrophiam: Atrophia autem operationes ablatas sequitur.

Summa summarum, caussa princeps (sic enim malo reddere Proegoumenam) atque adeò ferè coniuncta Scorbuticæ passionis, est humor melancholicus, id est multitudo fœculentæ bilis atræ in Hepate cum sanguine procreatæ, aut putridus sanguis ex praua, atq; putri victus ratione procreatus, sicuti nos opinamur.

Signa Scorbuti remotiora, & communia aliorum morborum.

PRIMUM, corporis totius grauitas. Secundum, spontanea lassitudo, quæ tamen hebetiores non sentiunt, nisi à consueto exercitio. Tertium, præcordiorum aliqualis angustia. Quartum, crurum debilitas. Quintum, gingiuarum pruriginosa rubedo, ac dolor. Sextum, faciei color ex pallido in fuscum vergens. Hæc ubi coniunctim inueniuntur, Scorbutum adesse iudicare licet.

Signa propinquiora & certiora.

PRIMUM, oris graueolentia. Secundum, gingiuarum laxus sanguifluus tumor. Tertium, dentes vacillantes. Quartum, crurum maculæ plumbeæ, purpureæ, nigris violis obscuriores. Quintum, lentigines innumerabiles grysi, siue pulli

IOANN. VIIIE.

pulli: aut solum circa os, vel sola crura superuenientia Symptomata. Sextum signum est, passione magis ingrauescente, ambulandi impotentia. Septimum, anhelitus difficultas, potissimum dum semouent, aut erigunt, & si aliquamdiu erecte sedere conantur, quasi deficiente spiritu semianimi deliquio afficiuntur. Octauum, rursus decumbentes reficiuntur, ac respirant liberius, immo decumbentes se sanos asserunt: sed quia fieri non potest, ut sine omni motu decumbant, fit interdum ut delinquentes animo langueant. Nonum, in his rarissime deficit appetitus, frequenter cibum appetunt. Decimum, obseruatur aliquando motus aliquis aggrauationis, in pluribus, quarto, quintoque die, in aliquibus tertio die, in paucioribus singulis diebus, sine tamen omni febre, aliqui simul febriunt. Vndecimum, precesserunt aliquando febres, quæ quasi per Crisim in Scorbutum terminatæ fuerunt, unde etiam talis Scorbutus natus, contagione serpit in totas familias, & tota monasteria, desinitque in lethalem Dysenteriam commutatus, aliquoties verò desinit subito, ac mortali deliquio animi. Duodecimum, quibusdam alius totum orbi decursu est constricta, ac ad egerendum difficilis: contra nonnulli continuo ventris fluxui obnoxij sunt. Decimumtertium, interdum maculosa illa crura sic intumescunt, ut Elephantiasin Arabum suspicari esse possis: rursus verò aliorum crura sic attenuantur, ut nuda cutis deturpata ossibus

DE SCORBUTO.

31

affixa videatur. Nec mirum: quia etiam alijs morbis contraria aliquando superueniunt Symptomata, vt in Pleuritide & c. Decimū quartum, macule aliorum in nigras, aut pullas squammas resoluuntur, vti Morphea, & Græcorum lepra assolet, aliorum verò leues, æquales, splendentes permanent cum quodam vestigio ad impressionem digiti. Decimum quintum, item morientibus quibusdam delitescunt macule, quibusdam à morte vberime efflorescunt. Decimum sextū, Conspicitur etiam aliquando, licet perraro, varicosa venarum plenitudo, sic & sub tota lingua minutissima etiam venæ varicibus simillimæ, & similes in inferiori labio varices visæ fuerunt.

Istuc ergo sæpissime animaduerti.

Indicationes Curatiuæ.

P R I M V S morbus, videlicet obstru-
ctio, tollitur apertione, quæ per
subtiliantia, atq; abstergentia per-
ficitur.

Secundus morbus, videlicet multitudo, tolli-
tur, partim intentione curatiua, videlicet eua-
cuatione eius, quod iam factum est, partim præ-
seruatiua eius quod fit: idq; bifariam: primò pro-
hibendo ne talis humor amplius generetur, quod
fit per curationem intemperiei iecinoris, & per
ablationem caussarum procatarticarum: secun-
dò prohibendo ne retineatur, si quid fortè ite-

rum

IOAN. VVIE. DE SCORB.

rum genitum sit, quod sit per meatuum reser-
ationem, & per splenis confortationem. Ita pro-
hibitio retentionis, duplicem præstabit usum,
nempe præseruatium in hoc secundo morbo vi-
delicet multitudine, curatiuum in primo morbo
videlicet obstructione Lienis.

Tertius morbus, videlicet intemperies, tolli-
tur, partim intentione curatiua, videlicet cor-
rectione factæ intemperiei per contraria, par-
tim intentione præseruatiua similis adhuc intem-
periei: idq; bifariam: primò, per ablationem suæ
caussæ, nimirum humoris multitudinis, quod sit
partim euacuando, partim aperiendo, partim diæ-
ta attenuante, & boni succi: secundò, per robo-
rationem viscerum. Ita ablatio humoris duplicem
& ipsa usum præstabit, nempe curatiuam in se-
cundo morbo videlicet multitudine, & præser-
uatiuam in tertio morbo. Sunt igitur quatuor
intentiones, apertio, euacuatio, alteratio, con-
fortatio. Euacuationi debetur primus locus, quæ
partim vniuersalis, partim particularis esse de-
bet. Secundus locus apertioni: deinde repetitur
aliquoties euacuatio. Tertio loco succedit al-
teratio, quæ etiam corroboracionem ex parte
exequitur. Nam corroboracionis quoque est,
debilitatem membrorum ex intemperie propul-
sare, priuatim tamen magis exequitur vi-
scerum indigentiam, nempe Lienis,
Hepatis & Stomachi.

F I N I S.

CATALOGVS AV.
CTORVM QVORVM TESTI-
monijs vltus est Auctor.

Aëtius Amidenus.

Aristoteles.

Actuarius.

Æsculapius.

Alexander Trallianus.

Auicennas.

Cornelius Celsus.

Cælius Methodicus.

Dioscorides.

Galenus.

Hippocrates.

Ioannes Langius.

Ioannes Tagaultius.

Plinius.

Paulus Ægineta.

Realdus Columbus.

INDEX EORVM, QVÆ NOTATV DIGNISSIMA in hoc Libello occurrerunt.

A primam, **B** verò secundam paginam indicat.

A ccidentia propria in morbis cōsiderāda	fol.7.2
A ctio laesa in morbis consideranda	7.2
A ër & victus præcipua caussa morborum	16.2
A lexandrini quæ comedant	15.2
A lumen desiccet & astringit	21.2
A mbulandi impotentia vnde proueniat	27.b
A nni constitutio morbos prælagit	7.b
A nni cōstitutio quare caussa sit magnorū lienū	15.b
A ntimonium validè desiccet	21.2
A poplexia fit ex ventriculo	13.b
A quæ potus Splenes magnos reddit	15.2
A quæ quomodo differant	8.2
A rquatus niger quomodo fiat	2.b
A sclepiades vbi morbū & sanitatē constituit	7.2
A sia differt ab Europa	8.2
A siani quare sint timidi & effeminati	8.2
A nconæ Crises frequentissimæ	8.2
A ustrina constitutio quos morbos pariat	7.b
A utumnalis accessio longior & periculosior	16.b
B istortē facultas	25.2
B istorta fœtum in vtero retinet	25.2
B istorta securos facit à Sceletyrbe	25.2
B istorta sumenda loco Britannicæ	25.2
B istorta viribus respondet Britannicæ	25.2
B orealis constitutio quos morbos pariat	7.b
B ononiæ capitis vulnera lethalia	7.b
B ononiæ tibiarum vulnera facilima	7.b
B ritannicæ flores Vibones dicti	13.b
B ritannicæ loco bistorta sumenda est	25.2
B ritannica oris vlceribus conueniens	22.b
B ritannicæ viribus respondet bistorta	25.2
B ritannica vulnera conglutinat	22.b

Bron-

INDEX.

Bronchocele quare frequens sit in Stiria & Carinthia.	8.b
Bubulæ carnes quæ optimæ sint	24.b
C ancer quomodo fiat	11.a
Cancer ulceratus	16.b
Capræ decoctū vlceribus oris nō conuenit	23.a
Carbunculus Gallis familiaris	8.b
Carnes bubulæ melancholicæ sunt	24.a
Carnes fumatæ sunt melancholici succi	15.b
Carnes iuuenorum sale aspergendæ sunt	19.a
Caro veruecina debet esse modicè salita	19.a
Caro superex crescens quomodo auferenda	23.a
Causa effectrix in morbo consideranda	14.b
Causa externa curationem non indicat	14.b
Causa externa morbum demonstrat	14.b
Causa quid sit	14.b
Causæ internæ quæ sint	14.a
Causæ euidentes quæ sint	14.a
Causarum diuisio	14.a, b
Cerebrum coafficitur alijs partibus	13.b
Cerebrum & ventriculus quare consentiant	13.b
Chamedrite vinum Lienosis prodest	19.a
Color vitiatu in morbis considerandus	7.a
Color vitiatu vbi sit	7.a
Corporis constitutio quare causa sit magnorū Lienum	15.a
Cranon pestilentibus morbus cur infestata	7.b
Cicatrices nigræ quibus accidunt	9.b
Criuri consentit cerebrum	13.b
Cutis color ostendit succum subiectum	12.a
Cutis est similis humoribus	12.a
D ecoctum ad bilem efferuescentem	25.a
Decoctum ad melancholiam	18.a
Dolor in morbis considerandus	7.a
Dysenteria lethalis	16.b
Dysenteria quando fiant	7.b

INDEX.

E Clegma pro Lienosis	18.b
E Elephantiasis peculiare malum Aegypti	8.b
Elephantiasis unde generetur	15.a
Elephantiasis quomodo fiat	2.a
Emplastrum è Sori	22.a
Endemius morbus quis sit	16.a
Erisipelata quando gignantur	10.b. & 11.a
Epilepsia fit ex ventriculo	13.b
Essentia debet cognosci ante causam & qualitatem.	
7.a	
Essentia morbi unde iudicetur	7.b
Europa differt ab Asia	8.a
Europei quare sint audaces & feroces	8.a
Excrementa in morbis considerata	7.a
Excrementum omne creat morbos sui generis	12.a
F Ebres acutæ quando fiant	7.b
F Febris melancholiam generat	29.a
Ferrariæ perpauca Crises	7.b
Fons in Germania trans Renum	9.a
Frictio mollis tibijs conueniens	19.b
Fumatae carnes pessimæ	24.b
G Argasina vlcibus oris conueniens	23.a
G Gingivæ quibus malæ sint	9.b
Gemurfa morbus	8.b
Gibbositas quomodo solvatur	14.a
Grumus sanguinis quid efficiat	27.b
H Erpetes quomodo gignantur	10.b & 11.a
H Holera humida Splenes augent	15.a
Hollandi fungosi	15.b
Hollandis quare infestæ sint Splenitides	15.b
Hollandi quibus vescantur	15.b
Homines in cauis locis citius senescunt	7.b
Homines in editis locis tardius senescunt	7.b
Humidus cæli status Lienes auget	15.b
Hyems Austrina, & Ver siccum quos morbos pariat.	
7.b	
interpon quomodo fiat	11.a
Hyems	

INDEX.

Hyems sicca & ver pluuiū quos morbos pariāt	7.b
I Ecinori consentit cerebrum	14.a
I Intemperies curanda ante vlcus	19.b
Intemperies quomodo tollenda	31.b
Ioannes Langius notatur	12.b
Ioannis Langij laus	12.a
Ioannis Vvieri laus	25.b
I Ichene quando Italiam inuasit	8.b
L Liene affecto λαρσώσι accidit	14.a
Liene affecto Sceletyrbe accidit	14.a
Lien melancholiam ad crura mittit	14.a
Lienes auget humiditas	14.b
Lieni consentit cerebrum	14.a
Lienis magni Symptomata	10.a
Lienis humiditas vnde proueniat	14.b
Lienosis è sinistra nare sanguis fluit	10.a
Lienosis quæ vena tundenda sit	18.a
magni Lienes morbus hereditarius est	15.a
magni Lienes Icteria nigra non est	10.b
Lienosis sanguis fluit per hemorrhoides	10.b
Lienosis sanguis mitti debet	17.b
Lienosorum potus	19.a. & 24.b
Lienosorum victus	19.a & 24.b
Lippitudines quando fiant	7.b
Locorum varietas morbos prælagit	7.b
Locum affectum quæ demonstrent	7.a & b
M Edicamenta mitiora præcedere debent	18.b
M Edicamenta simpliciora sunt efficaciora	18.b
Medicamenta vehementiora quando & quibus sint exhibenda	18.b
Medicamenta vlceribus conuenientia	21.a & b
Medicus aquas considerare debet	8.a
Medicus considerare debet tempora anni	8.a
Medicus ventos considerare debet, & quos maximè.	8.a
Medicus vrbs situm considerare debet	8.a
Melancholia maligna quæ sit	17.a

INDEX.

Mentragra quando Italiam inuasit	8. b
Morbi quidam in certis membris gignuntur	8. a
in Morbis quæ consideranda	7. a
Morbi quidam repente gignuntur	8. a
Morbum quæ demonstrent	7. a & b
Morbus in quibus partibus consistat	7. a
Morbus unde proueniat	7. a
Mucago pedum Bubulorum nervis conueniens	19. b
Mulieres in Vere quando abortiant	7. b
Multitudo quomodo tollatur	31. a
N atura ludit rerum varietate	8. b
N atura morbi cognoscenda antequam curetur.	7. a
Natura rei debet cognosci ante causam & qualita- tem	7. a
O bstinatio quomodo tollatur	31. a
O leum Vitrioli dentibus vacillantibus reme- dium præstantissimum	23. b
Ordo in Stomacaces inquisitione	7. a
Origo morbi cognoscenda ante curationem	7. a
Os quibus male oleat	9. b
Ouillæ carnes quæ optimæ sint	24. b
Oximel.	18. b
P hasiani pallidi	15. a
P inguia omnia obstruunt	19. b
Plinius causas rerum non scrutatus est	10. a
Plinius obseruauit quæ experientia erant cognita	10. a
Potus Lienosorum	24. b
Purgatio humorem feligit	18. a
Putredinis forma non scitur	28. a
Putredo frigida ubi fit	28. a
Q uatuor in cognitionem rei nos ducunt.	7. a.
R egio quare sit magni Splenis causa	14. b
R egius morbus quomodo fiat	2. a
Resolutio neruorum quid sit	13. a
Rhaphani succus	18. b
Rome tibiarum vulnera non curantur	7. b
	Ro-

INDEX.

Romæ vulnera capitis facilia	7.b
S Alexcrementum carniū consumit	24.b
Sanguis corruptus quid efficiat	27.b
Sanguis quibus effundatur	9.b
Sceletyrbe quid sit	10.a
Sceletyrbe quādoq; est morbus Epidemius	16.a
Sceletyrbe differt ab arquato nigro	2.b
Sceletyrbe Græcorū alia est à Scorbuto	28.b
Sceletyrbe ignota Græcis & Arabibus	28.a
Sceletyrbe morbus Endemius est	16.a
Sceletyrbe non est Icteria nigra	10.b
Sceletyrbe ossium perturbatio est	13.a
Sceletyrbe paralyſis non est	13.a
Sceletyrbe potissimū fit in Vere & Autūno	16.a
Sceletyrbe quando grassetur	16.a
Sceletyrbe quod malum sit	9.a
Sceletyrbe quomodo fit in Autumno	16.a
Sceletyrbe quomodo fit in Vere	16.a
Sceletyrbe quomodo solvatur	10.a
Sceletyrbe quos inuasit	9.a
Sceletyrbe singulis annis recurrit	23.b
Sceletyrben qui descripserint	28.a
Sceletyrbes definitio	13.a
Sceletyrbes depictio	9.a
Sceletyrbes vera prophylactice	23.b & 24.a
Sceletyrbica	10.a
Sceletyrbicis sanguis mitti debet	17.b
in Sceletyrbico vlcere quæ consideranda	19.b
Sceletyrbicorum potus	19.a
Sceletyrbicorum victus	19.a
Sceletyrbicorum victus & potus	24.b
Sceletyrbicum vlcus idem quod Telephium	17.b
Scherbock	10.b
Scorbuti causſæ coniunctæ	29.a, & b
Scorbuti causſæ præeatarcticæ	28.b & 29.a
Scorbuti definitiones	26.a
Scorbuti indicationes curatiuæ iiij.	31.b

INDEX.

Scorbuti princeps caussa	30.a
Scorbuti lingua propinquiora xvi.	30.a & b
Scorbuti signa remotiora sex	30.a
Scorbuti Symptomata	26.b
Scorbutum morbi sequentes duo	27.a
Scorbutus vnde dicatur	28.a
Scorbutus vnde fiat	27.a
Scorbutus vnde proueniat	27.b
Scorbutus ex priore morbo nascitur	26.a
Scorbutus gingipedium dicitur	28.a
Scorbutus ignotus Græcis & Arabibus	28.2
Scorbutus in principio tres morbos continet	27.2
Scorbutus morbus in conformatione	26.a
Scorbutus morbus in intemperie	26.b
Scorbutus morbus in numero	26.a
Scorbutus non est Icteria nigra	28.b
Scorbutus quibus superueniat	27.b
Scorbutus Sceletyrbe veterum est	28.a
Scorbutus sine febre ferè existit	28.a
Scuerbuyck ventris ruptura	10.b
Siccantia modicè	20.b
Splenem magnum quid arguat	9.b
Splenis magnitudo curanda est ante vlcera	
Splenis magnitudo quomodo curanda	20.a, b
magnorū Splenum caussa est constitutio anni	14.b
magnorū Splenum caussa est regio	14.b
magnorū Splenum caussa est victus	14.b
Splenitides vbi proueniant	8.b
Stomacace vnde dicta sit	10.b
Stomacace vide Sceletyrbe	
СТОМАХТИКА medicamenta	22.b
Struina quare frequens sit in Stiria & Carinthia	8.b
Suillæ carnes quæ optimæ	24.a
Superstitiosa curatio	23.b
T Elephi diligentia vt curaretur	17.a
Telephij facultas	17.a, b
Telephium cochlear. est	17.a
	Tele-

I N D E X.

Telephium herba à Telepho dicta & inuenta	17.a
Telephus consenuit in vlcere	17.a
Tempora anni vnde differant	8.a
Tumor in morbis considerandus	7.a
V Aricum origo vnde	14.a
Vena quibus tundenda non est	17.b
Venę sub lingua quando tundendę sint	23.b
Venę sectio omnes humores euacuat	17.b.18.a
Venetijs perpauca crises	7.b
Ventriculus & cerebrum quare consentiant	13.b
Ver siccu & Hiems austrina quos morbos pariāt	7.b
Ver pluuiū & Hiems sicca quos morbos pariāt	7.b
Vernalis accessio breuior & mitior	16.b
Victus & aer præcipua causa morborum	16.a
Victus in morbis est maximi momenti	19.a
Victus quare magni Splenis causa fit	15.a
Vlcera capitis vbi tardę & celeriter curentur	7.b
Vlcera cruris quibus accidant	9.b
Vlcera humida quę requirant	22.b
Vlcera Sceletyrbica	16.b
Vlcera Telephia sunt Sceletyrbica	17.a
Vlcera Telephia vnde dicta	17.2
in Vlcere quę considerata	21.a
Vlceris qua vlcus est sanatio	20.b
Vlceribus oris remedium præstantissimum	23.a
Vlcus malignum quod fit	16.b
Volucres fluuiatiles melancholicę sunt	24.a
Vomitur quid purget.	19.2

F I N I S.

Errata sic corrigito, a primam, b verò secundam faciem indicat.

Pagin.2.b.lin.7.lege cōcedent, pag.9.a.lin.16.lege graphi-
dōs. pag.10.a.lin.13.lege inferiores regurgitante partes, co-
xas &c.12.a.lin.13.lege efflorescere, lin.24.b.lege Sceletyr-
be laborans, 14.a.lin.1.lege Cruri.19.a.lin.26.leg.absinthi-
e: alterius &c.20.b.lin.15.leg.sunt.25.a.lin.26.le.vsu.17.
b.lin.17.leg. quam 30.b.lin.24.lege toto morbi

